


Lave agtät ~~XXXXXX~~
CCL.

P.P. Eremitar Camaldulensium
Eremiti Vigrensis.



B R E V I S

Dissertatio Theologica
Christiana.

Dogmatico-Moralis ex Operibus
F. DANIELIS Concina Ords Prædicatorū
E X C E R P T A.

ac jussu

Reverendissimi ac Religiosissimi
in Christo Patris

G E R A R D I
T H O M A S S I C H

Ords S. PAULI primi Eremitæ
Prioris Generalis Meritissimi SS. Thlæ

Doctores Eximij, Visitatoris

Provinciæ Polonæ

R E I M P R E S S A.

SSS) (SSS SSS

In Typographia Clari Mœtis Czestachov:

B R E V I S

Disputatio

Christiani

Thomae

et

H Y C E R T A

et

et

in

C E R A R D I

H O M A S S I C H

et

et

et

et

H E I M P R E S S A

et

et

Præloquium

NE transgrediaris terminos antiquos, quos posuerunt Patres tui *Prov. 22. 28. q. d. ne transgrediaris limites morum, quos Patres fixerunt; ut aliter agere velis, quam ab illis sanctum est. Cornel hic. (Religiosus debet respicere Regulam, ut mulier vana speculum, S. Vincent. Ferr. de S. Francis Serap.)* Verè optimum exemplum bene vivendi, reliquit vobis omnibus IESUS Christus, ipse Magister omnium; ipse liber, & Regula religiosorum *Thomas Kemp. S. 3. ad Novit.*

FACULTAS REIMPRIMENDI
D I Æ C E S A N A.

UT Dissertatio DANIELIS Conci-
næ Ordinis Prædicatorum in To-
mo priori reperta Bononiæ An. 1762
impressa, sub Titulo de Statu Religi-
oso, Capitibus duodecim constans re-
cudi possit & valeat, concedo facul-
tem, Die 28. April. 1765.

M. CASIMIRUS STEPLOWSKI SS
Theologiae Doctor & Professor, Collega Ma-
ior, Librorum per Diœcesim Cracoviensem
Censor.

mpp.

DISSERTATIO

De Statu religioso Præloquium.



Uatuor hoc de argumento volumina edidi, quorum primum inscribitur *Commentarius historico-apologeticus &c.* alterum: *Disciplina Apostolico-Monastica.* Adversus hanc: *Disciplinam Apostolico-Monasticam* duo prodire volumina; unum inscriptum: *Vindicia Regularium*; alterum hac e-graphæ insignitum; *Vita Claustralis.* Hos duos libellos revera famosos plenos erroribus Commentis, fabellis, & dictarijs contrivi, & penitus labefactavi, opere inscripto, *Defensio Decretorum Concilii Tridentini*, in duo volumina distributo, atq; jussu Sapientissimi Pontificis Benedicti XIV. edito. Ex his pauca decerpam.

CAPUT I.

Status Religiosi notio, & eiusdem obligatio aspirandi ad perfectionem evangelicam.

I. QUÆSTIO I. *Quid sit status Religiosus?*
 R. Est via facilius perveniendi ad perfectionem Evangelicam. A virtute Religionis quæ inter morales eminet, nomen suum sortitur sacer hic Status; idcirco Religiosus appellatur. Stabilitatem & immobilitatem secum, adfert. Ut sit talis, requirit approbationem ab Ecclesia factam, ut habetur ex Concil. Later. IV. Cap. N^o mia. Necessaria est quoq; Professio trium votorum juxta aliquam ex Regulis approbatis à Sede Apostolica. Hinc singuli Ordines suam propriam Regulam habent, & Constitutiones, ad quarum normam statum Religiosum profitentur.

II. QUÆSTIO II. *Utrum Religiosi neantur sub gravi peccato tendere ad perfectionem.* 2. R. Quæstio hæc perspicua indiget explicatione. Omnes Christiani sive Laici, sive Ecclesiastici, sive sæculares,

ve claustrales, præcepto ligantur aspirandi ad perfectionem. Fortasse imperitis veritas hæc impervia erit. Sciant ergo oportet, perfectionem hanc de qua nunc nobis sermo est, in caritate sitam esse, ut Evang. & omnes Patres docent. Hinc *S. Th. 2. 2. q. 186. a. 2.* describit statum Religiosum quod sit: *disciplina quædam, seu exercitium perveniendi ad perfectionem.* Ut enim Religiosi facilius & expeditius, hanc metam attingant, tria Consilia Evangelica ad quæ revocantur cætera vovent. Hæc tria vota sunt instrumenta, & veluti currus rotæ, quæ viam sternunt ad hoc pallium assequendum. Omnia præcepta Evangelica, sunt media necessaria, consilia sunt instrumenta libera, ordinata ad præceptum caritatis. Hoc præceptum est finis & meta omnium præceptorum & Consiliorum. Neq; in Consiliis igitur neq; in cæteris mandatis, sed in sola caritate sita, est perfectio Evangelica, ad quam sub præcepto aspirare omnes tum Christiani, tum viri Religiosi astringuntur. Cum Christus di-

xit: *Estote ergo vos perfecti. Sicut & Pater vester Caelestis perfectus est.* Matt. 5. Non Monachis non Claustralibus hoc intonuit, sed omne prorsus genus humanum allocutus est, cum tunc Monachi nec Claustrales essent.

III. Crasso ergo obvolvuntur errore Christiani qui existimantes hanc perfectionem Evangelicam quid supererogationis esse, & Consilij, virisq; duntaxat Religiosis competere, nihil conantur ad eam consequendam. Caritas hæc separat animam ab amore mundi, & eorum quæ in mundo sunt, eamq; conjungit DEO. Et quo magis anima separatur à concupiscentia carnis, à concupiscentia oculorum, à superbia vitæ, ut inquit S. Joan. Epist. 1. Cap. 2. eo intimius DEO conjungitur. Ad hanc unionem cum DEO omnes Christiani ex præcepto astringuntur. Ergo omnes Christiani ad caritatis perfectionem tendere obligati sunt. Hoc duntaxat discrimen est, quod Christiani per solam præceptorum viam currere ad perfectionem

me-

metam tenentur. Viri autem Religiosi, ut eam ipsam metam facilius assequerentur, Consilia amplexi sunt evangelica, & eadem tribus solennibus votis servanda sibi imposuere.

IV. Christiani igitur vigiles sint oportet in servandis præceptis, quæ orationis studium, sensuum custodiam, & carnis compressionem, æquitatem, cordisq; puritatem jubent, quia hæc & cætera omnia mandata, ut dixi sunt instrumenta necessaria, perveniendi ad caritatis perfectionem, seu conjunctionem cum DEO. Et quoniam hæc conjunctio major atq; intensior in uno ac in altero est, ideò unus altero perfectior evadit.

V. Contra viri Religiosi, præter hæc præcepta servare tenentur tria vota, & propriam Regulam & Constitutiones, quas Sancti Patriarchæ, Divino afflante Numine præscribere, tanquam media quæ adjuvant, & facilius conducunt ad præstitutam metam.

VI. Unde inquires, colligere possu-

mus visos sive Christianos, sive Religiosos implere hoc præceptum aspirandi ad perfectionem? Christiani qui à vanis pompis, à Luxu, à fastu, ab occasione violandi præcepta Decalogi vigilanter abstinent; qui in orationis studium incumbunt; qui justitiam & æquitatem servantes, cuiq; quæ sua sunt tribuunt; quiq; sibi fieri velent, alijs faciunt; qui proprij status officia implent: hi signa perhibent, se per viam Evangelicæ perfectionis ambulare.

VII. Si Christiani ipsi proprij status Officia, & munia regendi familiam, educandi filios, providendi domesticis necessaria, & cætera omnia implere debent; quanto magis propriæ Religionis munia, vota, ritus, statuta Legesq; exequi tenentur, viri Religiosi? Unde verò colligi poterit viros Religiosos perfectionis studio operam sincero animo impendere? Forsitan ex observantia silentij, ex orationis assiduitate, ex sensuum, carnis, & appetitionum compressione, ex votorum paupertatis castitatis & obedientiæ executione

ne? Profecto hæc omnia signa, satis probabilia sunt, at interdum fallacia. Hæc enim omnia hypocrisis fructus esse valent. Ut ille viam sibi paret ad regimen, ad præfecturas, ut sibi exultimationem viri religiosi, & proprii instituti observatoris, comparet, exequi præfata omnia potest, & sub Sacræ Religionis pallio diaboli martyr evadere. Quanam ergo animi aspirantis ad perfectionem Christianam argumenta? Caritatis exercitia, amor erga omnes, patientia & tolerantia injuriarum, animi candor, lingvæ sinceritas, mentis docilitas, mundanarum rerum contemptio, politicorum respectuum proculcatio, peccatoris evangelici fortitudo, sermones Christi, carni & sanguini hostiliter adversos, palam profitendi studium, propriæ exultimationis mundanæ, neglectus. Hæc sunt indicia, quæ animum in perfectionis Christianæ studio percurrentem indicant: Siquidem reperiri media sine fine queunt. At finis consistere sine medijs nequit. Possunt itaq; cæremoniæ & observatio-

nes votorum, Constitutionum aliorumq; ne
rituum extrinsecus apparere veste nuptia- se
li destitutæ, & hypocrisis larva testæ. At C
Caritatis exercitia, quæ sunt illorum finis, m
sine eisdem stare non queunt. se

VIII. Hinc colliges non satis pro- ne
prio muneri satisfacere illos Regularium co
Superiores, qui in suis Capitulis continen- te
ter clamant adversus quædam cæremoni- ne
arum transgressiones, & vix aliud incul- ni
cant suis subditis, quàm silentij custodiam, ip
chori frequentiam, jejuniorum & quarun- tra
dam genuflexionum observantiam, Laudo pa
hæc omnia; sed illud doleo, quòd præter-
mittant hortari, persuadere, & urgere ad fæ
caritatis exercitia. Accensa enim flamma, nu
hac in Religiosorum animis, cætera omnia te
spontè fluunt. Caritas quippe planta est co
fecundissima, fructus pariens, ad æternita- fut
tem maturos. Caritas benigna est, patienti am
est, non æmulatur, non agit perperam, uni
non inflatur, omnia sustinet, omnia suffert, sis,
non quærit quæ sua sunt, sed quæ IESU spi
Christi, non reformidat sæculi potentiam, qua

non

mq; non pertimescit adversariorum calumnias;
 sed impavido pectore verbo, & opere
 At Christi legem & propriæ Professionis
 munia exacte implet. Ignis iste Cælestis
 semper ardet ubi adest, & flammæ conti-
 nenter emittit. Si arderet in Superiorum
 cordibus, dubio procul favillas suas immit-
 teret in subditorum animos. Illi ergo qui
 neglecta caritatis prædicatione, cæremo-
 niarum tantum observationem inculcant,
 ipsi se caritate impleant, ut hanc in alios
 transfundentes, optimos sibi subditos com-
 mendo parent.

eter. IX. Caritas dulcissimo benevolentia
 e ad fædere animos conjungit, efficitq; cor u-
 num, & animam unam. In ea communita-
 te in qua aversiones, dissidia, tanctiones
 a est contrariæ servant; in qua Superiores ver-
 nitiam, vafritiem, cor duplex, linguam
 cient amphibologicam, prudentiæ larva indu-
 ram, unt, candore, sinceritate, affabilitate pul-
 fert. sis, caritatis flamma certè non ardet; sed
 ESU spiritus mendax & mundanus, & scientia,
 iam quam S. Jacobus diabolicam appellat do-
 on

minatur. Si Superiores verbis laudant, factis tergiversentur, negent, spondeant, illi maledicant, velificentur, adversentur, prout temporum rationes ferunt, inter subditos & ipsos Superiores; deprehensa illorum iniquitas; nulla sinceritas, nullus animi candor, caritas nulla viget. Sed è contra murmurant, dissidia, aversiones, & perpetua bella grassantur. Superiores qui aperto animo, sincero corde, ingenua lingua subditos colligunt & amplectuntur, illos sibi devinciunt, obligantq; illo ipso tempore, quo favores denegant, dum impetiri salva lege nequeunt. Verùm in semitam à divorticulo alioquin oportuno revertamur.

X. Religiosi ergo illi qui neglecto Orationis, mortificationis, pœnitentiæ, abstinentiæ & propriæ Regulæ atq; Constitutionum exercitio, ea solum peragunt, quæ prætermittere nequeunt, qui ludis, fabulationibus otio, solatijs diverticulis indulgent, qui sumpta cappa, aut pallio civitatem circummeunt, curiosa sectantur; qui si mensa ad palatum non sit instructa, ob-

mur-

fa- murmurant, Superiorum exhortationes &
t, il- mandata derident, & super eisdem joca-
rout- tur, fabulantur, controversantur, non E-
ditos vangelicæ perfectionis, sed æternæ da-
rum mnationis viam percurrunt.

can- XI. Ut multa in pauca contraham,
tur- omnes Christiani sive laici, sive Religiosi
bel- aspirare ad Evangelicam perfectionem vi-
ani- præcepti sub mortali astringentis tenentur,
odi- sed medijs varijs, quæ omnia per unicum
de- & arctam viam ad eandem metam ducunt.
quo Christiani Laici sola præceptorum exacta
le- observatione; Religiosi ad præceptorum
er- executionem addunt trium votorum &
proprietarum Constitutionum observanti-
cto- am. Hæc vota, hæ Constitutiones & Re-
ia, gulæ non sunt, inquiunt Patres, sarcinæ &
on- pondera quæ opprimant; sed sunt alæ,
nt, quæ iter allevant, & sursum erigunt.
dis, Quamobrem status Religiosus, nuncupa-
in- tur Schola facilius perveniendi ad perfe-
ci- ctionem caritatis, ad quam omnes Christi-
qui ani tendere astricti sunt. Gravius utiq;
ob- Religiosi, & scelestius peccant, hoc præ-

ceptum violantes, quam Christiani Laici, nia
 Quoniam Viri Religiosi uberiori gratia- be
 rum & donorum à DEO copia sunt in- fun
 structi, facilius & commodius angustam sti
 calcare semitam Evangelicam queunt. Id- bu
 circo isti sacri legi, ingrati atq; nequissimi sti
 DEI servi habentur, cum tot talenta à mi
 DEO accepta prodigunt, & dilapidant. du
 Quando quidem à curis sæculi à mundi est
 periculis quibus miseri Christiani obnoxij ob
 sunt, segregati, nihil de victu, & vestitu Ev
 cogitare coacti, unice vacare DEO, &
 proprii instituti observantiæ facillimè que- liu
 unt. Quare dupliciter vapulabunt, si nan- pit
 cisci perfectionem Evangelicam omittent, dus
 ne dum contemnent.

XII. Disputare Theologi solent, Pro
 num satis sit trium votorum observantia, huj
 neglectis alijs legibus quæ ad gravem cul- & i
 pam non obligant: & rursus controversan- labi
 tur, num continuata istarum legum trans- qua
 gressio istarum legum inducat contem- salt
 ptum, virtuale, & interpretativum? Ve- que
 rum paucis rem dirimo, tria vota commu- surg
ut c

nia sunt omnibus sacris ordinibus. Quilibet Ordo Religiosus ab altero distinguitur suis peculiaribus Statutis, Regulis, & Constitutionibus. Ergo præter tria vota omnibus communia, necessaria est proprii instituti observantia, alioquin nullius determinati Ordinis esset Religiosus ille qui tria dumtaxat vota servaret. Necessaria itaq; est propriæ Regulæ, & Constitutionum observantia, ut quis dicatur studio vacare Evangelicæ perfectionis.

XIII. Num transgressio hujus aut illius Monasticæ Constitutionis iter intercipit perfectionis Christianæ? Distingvendus est animus constans & firmus propriæ Professionis implendæ, à transgressione hujus aut illius legis ex animi subreptione, & imbecillitate proficiscente. Quotidie labimur omnes. Qui ex infirmitate aliquam legem non obligantem ad culpam, saltem gravem, violant, cospitant, & aliquomodo claudicant in via; at continuo surgunt, animumq; & vires redintegrant, ut celerus currant: at quia debiles & infir-

ni sumus, denuo claudicamus, ac simul
denuo alas resumimus plus & minus, pro-
ut magis & minus caritatis ignis ardet in
corde. Illi igitur qui ob communem infir-
mitatem aliquam Constitutionem violant,
non sunt extra perfectionis viam, dummo-
do animum firmum & constantem servant
propriæ Professionis servandæ. Contra
qui passim proprii instituti leges peculia-
res violant, nihil earumdem transgressio-
nes curantes, & in eadem corruptela per-
severantes, extra arctam semitam sunt,
atq; latam & spatiosam perditionis viam
percurrunt. Neq; illis quidquam suffra-
gatur quod in Conventibus morentur, ubi
legum observantia, saltem majori ex parte,
in desuetudinem abiit, quoniam nulla cor-
ruptela contra legem præscribit. Brevi-
vota & Constitutiones reciproco nexu
conjuncta sunt Constitutiones sunt voto-
rum præsidia; vota sunt propugnacula
caritatis. Caritas, vota, & Constitutiones
sibi mutuas manus porrigunt. Hoc nexu
graviter læso & disrupto, totum ædifici-

um corruat, necessum est. Qui deliberato animo proprias Constitutiones indiscriminatim violant, mentiuntur, si jaçant aut votorum observantiam, aut caritatis exercitium.

XIV. Tria vota necessaria sunt ad Religiosum statum constituendum, & quidem solemniter emissæ in faciem Ecclesiæ: status quippe iste firmitatem, & stabilitatem includit; Tria hæc vota Paupertatis, castitatis, & obedientiæ, bellum perpetuum denunciant tribus mundi malis, quæ S. Joan. Epist. 1. c. 2. describit. *Omne quod est in mundo, concupiscentia carnis est, & concupiscentia, oculorum, & superbia vitæ.* De his tribus votis mox sermo recurret. Interim si plura hac de re cupis, lege S. Thomam 22. 2. 186. art. 6. & 8.

C A P U T 2dum.

De Voto Paupertatis.

I. PAupertatis Votum est primum vitæ Regularis fundamentum. Istius voti materia est abdicatio rerum temporalium

ma-

manifestata à Christo Domino Math. 19. *Si vis perfectus esse, vade, vende, quæ habes, & da pauperibus.* Alia duo Contilia virginitatis colendæ, & voluntatis abnegandæ, hominisq; auctoritati subiiciendæ, paucis expressit Magister Divinus. Verum methodum ipsam, qua Apostoli, primi; Christiani executioni Evangelicæ paupertatis consilium demandarunt, clarè & distinctè Act. 2. describit Evangelista Lucas. Omnes etiam qui credebant, erant pariter, & habebant omnia communia. Possessiones, & substantias vendebant, & dividebant illa omnibus, prout cuiq; opus erant. Fusius hanc paupertatis formam exprimit c. 4. S. Evangelista. Multitudinis autem creditum erat cor unum, & anima una, nec ququam eorum quæ possidebat, aliquid suum esse dicebat, sed erant illis omnia communia - - - Neq; enim quisquam egens erat inter illos - - Quoquot enim Possessores agrorum, aut domorum erant, venientes afferebant pretia eorum quæ vendebant, & ponebant ante pedes Apostolorum. Dividebatur autem singulis prout cuiq; opus erat.

II. Hæc est illa Paupertas bonorum communione fulta, quam Christus in suo Apostolico collegio præjecit ut fundamentum cælestis perfectionis, quæ in caritate sita, amoris & concordiae vinculo invicem & cum DEO conjungit. Bonorum enim proprietas cupiditatem accendit, & veluti civis seditiosus tumultus, jurgia, & dissidia excitat, corda, animosq; sejungit, atq; in contrarias abstrahit factiones. Communitas autem, cum omnem auferat proprietatem, radicem quoq; contentionum, rixarum, & dissidionum revelat, & Cælestium Bonorum communionem inducit. Connexa enim hæc duo sunt. Imo erat cor unum, & anima una. 2do: erat illis omnia communia.

III. Paupertas generatim accepta plures excipit gradus: quorum alter dominium, & usum cujusq; rei ceu propria excludit; alter dominium, & usum proprium respuit, capacitatem tamen ad dominium retinet; 3tius, qui nec dominium absolute abdicat, nec incapax dominij evadit, sed

sed tantum nulla re tanquam propria utitur; *4tus* nec dominij nec usus privationem prodit sed eam dumtaxat bonorum mensuram admittit, quæ ad vitæ sustentationem necessaria est, & cætera omnia reijcit. Ad hos quatuor gradus omnes alij reducuntur. *1um* paupertatis gradum nunc vovent Regulares. *3tium* nuncupant Scholares Societatis alios duos quisq; vovere potest.

IV. Theologi plurimi hanc exhibent paupertatis monasticæ definitionem. *Vetum* paupertatis, est voluntaria bonorum temporalium abdicatio, per quam vovens ipsum cum proprietate privatur. alij præssius ajunt *Est abdicatio dominij.* quæ definitiones ac Metaphysicæ amussim exactæ paupertatem generatim acceptam describunt, secus, ut executioni demandandam. Duo in hoc voto isti distingvunt primum essenziale vocant in abdicatione dominij situm. Alterum accidentale appellant, quod usum bonorum spectat. Hinc inferunt connexionem voti Paupertatis cum bonorum com-

uti munitate accidentalem esse, quod de pau-
 pertate generatim accepta verum habet:
 num id ad Paupertatem monasticam ex-
 plicandam sufficiat? mox dicam.

CAPUT 3tium.

*Regulares videntes Paupertatem Evangelicam
 vident ipsam Bonorum communitatem.*

1. **T**heologi & Canonistæ omnes do-
 cent, Regulares vi præcepti Eccle-
 siastici graviter obligantis, Bonorum com-
 munitati astrictos esse, pulsos peculijs.
 quod autem hoc præceptum communita-
 tis ipsam voti essentiam ingrediatur, vel
 extra divagetur, ad id quod caput dispu-
 tationis est, perinde res se habet. Nam si-
 ve Regulares violent directe votum, dum
 peculium necessitate sublata retinent, sive
 præceptum, mortale Sacrilegium perpe-
 trant: quare etiamsi falsum esset quod di-
 cturus sum, non propterea aliquid emo-
 lumentum inde perciperent Regulares, cum
 juxta omnes & Theologos, & Canonistas,
 præcepto gravissimo Ecclesiastico obser-

van-

vantiæ communis vitæ astricti sint.

II. Et ut id quod dicturus sum, evidentius pateat, ob oculos habeamus necessum est, paupertatis votum generatim acceptum, & ab omni circumstantia præcisum, plures excipere gradus, quorum Capite Superiore mentio facta est: nec unum præ alio in hac acceptione prodesse, nec communitatem includere, aut reijcere alterum non minus manifestum est, quodlibet nempe votum solenne materiam certam, & præfinitam sibi vendicare. Quibus Constitutis evinco quod proposui.

III. Regulares omnes Paupertatem DEO vovent, non incertam, non ad cuiusdam Metaphysicæ definitionis amussim exactam, quam aliqui sibi effinxêre; sed eam Paupertatem vovent, quæ in eorum Regulis determinata est. Hæc prima propositio ineluctabilis est Paupertas enim latitudinem, & gradus plurimos admittit, ut omnes fatentur, & reipsa constat: ergo voventis intentione determinari debet. Hæc autem determinatis fieri à singulis ju-

Re-

Regularibus nequit, alioquin tot essent
paupertatum genera, quot sunt voventes,
& omnia confusa & perturbata essent.
Quamobrem omnes Sacri Ordines suas
Regulas habent, in quibus definita est
Paupertas, quam omnes ejusdem Ordinis
profiteri debent. atqui omnes Regulæ SS.
Basilij, Augustini, Benedicti, Francisci,
& omnium Sanctorum Patriarcharum pro
materia voti Paupertatis determinant vi-
tam communem. Ergo Regulares voven-
tes Paupertatem vovent vitam communem
nisi Propositio secunda vera sit, sponte
cadere causa velim. Possem huc transcri-
bere omnium Regularum textus, quos
brevitatis studio prætereo. Satis sit in
transcursu indicare in omnibus præfatis
Regulis similia haberi. *Sint vobis omnia
communia, ut legitis in actibus Apostolo-
rum.*

IV. Verum quamvis hæc argumen-
tatio falsa esset, non propterea, ut dixi, li-
bet citum peculium foret Regularibus, cum
juxta omnes tum Theologos, tum Cano-

nistas gravissimo præcepto Ecclesiastico vitam communẽ servare teneantur cujusq; privati peculij expertem hinc Religiosus omnia sua tum præsentia, tum futura, sub Religionis dominio ponit, ea conditione & pacto ut Religio de ijs Bonis in communem omnium Religiosorum usum disponere, ut sibi expediens visum fuerit quæat: & Religio vicissim eodem vinculo se obstringit victum, & vestitum, & omnia necessaria Religioso præstandi. Porro sicut in quolibet contractu una deficiente parte in suo explendo munere, deficiat quoq; altera necesse est: ita similiter si Religio incongrua victus & vestitus provisione desit officio suo, continuo Religioso Professo jus oritur naturalem quemlibet antecedens contractum, victum & vestitum illum quem Religio tribueret deberet, comparandi. Hoc est totum quod in favorem Religiosorum, & peculij privati dici potest. Cæterum tam Religiosi seu Superiores Religionum, quam Religiosi gravissimo præcepto obstringuntur

din.

lico integrare contractum, si fractum sit; vel
usq; observare, si consistat, ut infra dicturus
osus sum.

CAPUT 4tum.

*Decreta Concilij Tridentini, & Constitutiones
summorum Pontificum urgent Regulares
ad exactam vitam communem, pulsas
privatis peculiis.*

I. PRÆtermiſſis antecedentium Concilio-
rum, & Pontificum Decretis, quæ
vitam communem Regularibus præcipi-
unt, rescribam dumtaxat ea quæ Triden-
tinum præcipit *ſeſſ. 25 c. 1.* Quoniam
non ignorat S. Synodus, quantum ex
monasterijs piè institutis, & rectè admi-
nistratis, in Ecclesia DEI splendoris,
atq; utilitatis oriatur, necessarium eſſe
centuit, quo faciliùs ac maturiùs, ubi
collapsa est, vetus & Regularis discipli-
na instauretur, & constantiùs, ubi con-
servata est, perseveret, PRÆCIPERE,
prout hoc Decreto PRÆCIPIT, ut o-

„ omnes Regulares, tam viri, quam Multi-
 „ eres, ad *Regulæ* quam Professi sunt præ-
 „ scriptum vitam instituunt, & compo-
 „ nant: atq; imprimis, quæ ad suæ Professio-
 „ nis perfectionem, ut obedientiæ, Paupertatis,
 „ & Castitatis, ac si quæ alia sunt alicujus
 „ Regulæ & Ordinis peculiaria vota, &
 „ PRÆCEPTA ad eorum respectivè essen-
 „ tiam, NECNON AD COMMUNEM
 „ VITAM, victum, & vestitum conservan-
 „ da pertinentia, fideliter observent: O.
 „ mnisq; cura & diligentia à Superioribus
 „ adhibeatur tam in Capitulis generalibus,
 „ & provincialibus, quam in eorum visi-
 „ tationibus, quæ suis temporibus facere
 „ non prætermittant, ut ab illis non rece-
 „ datur, cum compertum sit, ab eis non
 „ posse ea, quæ ad substantiam vitæ Regula-
 „ ris pertinent, relaxari. Si enim illa quæ
 „ bases sunt, & fundamenta totius Regula-
 „ ris disciplinæ, exactè non fuerint ob-
 „ servata, totum corruat ædificium, neces-
 „ se est.

II. „ Rursus idem Concilium c. 2.

ad-

„ addit: *Nemini igitur Regularium tam viro-*
 „ *rum, quam Mulierum liceat bona immo-*
 „ *bilis, vel mobilia, cujuscunq; qualitatis*
 „ *fuerint, etiam quovis modo ab eis ac-*
 „ *quisita tanquam propria, AUT ETI-*
 „ *AM NOMINE CONVENTUS possi-*
 „ *dere, vel TENERE; sed statim ea. Su-*
 „ *periori tradantur. Conventuiq; IN-*
 „ *CORPORENTUR. Nec DEINCEPS*
 „ *LICEAT Superioribus bona stabilia a-*
 „ *licui Regulari concedere, etiam ad u-*
 „ *sus fructum, vel USUM, ADMINI-*
 „ *STRATIONEM, aut Commendam.*
 „ *Administratio autem Bonorum Mona-*
 „ *steriorum, seu Conventuum ad solos Of-*
 „ *ficiales eorundem, ad nutum Superio-*
 „ *rum amovibiles pertineat. Mobilium ve-*
 „ *rò usum ita Superiores permittant, ut*
 „ *eorum suppellex statui paupertatis quam*
 „ *professi sunt, conveniat: nihilq; super-*
 „ *flui in ea sit: nihil etiam quod sit neces-*
 „ *sarium, eis denegetur. Quot si quis a-*
 „ *liter, quidquam teneredeprehensus, aut*
 „ *convictus fuerit, is biennio activa &*
 „ *passi-*

„ passiva voce privatus sit, atq; etiam jux- „
 „ ta suæ Regula, & Ordinis Constitutio- „
 „ nes puniatur. „

III. Clemens VIII. confirmavit Tri- „
 „ dentini Decreta Constit: data Anno „
 „ 1590. in qua hæc præscribuntur. *imo* „
 „ quo Tridentini Concl Decreta de *pauper* „
 „ *tatis voto* custodiendo fidelius observen- „
 „ tur; præcipitur, ut nullus ex Fratribus „
 „ etiamsi Superior sit, *Bona immobilia*, ve „
 „ *mobilia*, aut *pecuniam*, *proventus*, *census*, „
 „ *Elemosynas*, sive ex Concionibus, sive ex „
 „ lectionibus, aut pro Missis tam in pro- „
 „ pria Ecclesia, quam ubicunq; celebran- „
 „ dis, aliisve ipsorum justo labore & cau- „
 „ sa, & quocumq; nomine acquisita, et „
 „ amsi subsidia consanguineorum, aut pi- „
 „ orum largitiones, legata, aut donatione „
 „ fuerint, tanquam propria, aut *etiam no* „
 „ *mine* Conventus, possidere possit; sed e „
 „ statim superiori tradantur, & incorpo- „
 „ rentur: atq; cum cæteris illis bonis re „
 „ ditibus, pecunijs ac proventibus, con „
 „ fundantur, *quo communis* inde victus, & „

ux. „ vestitus omnibus suppeditari possit. II.
 tio. „ Neq; Superioribus, quicumq; illi sint,
 „ ullo pacto liceat eisdem Fratribus, aut
 Tri. „ eorum alicui bona stabilia, *etiam ad u-*
 nne „ *sum, fructum, vel USUM, administratio-*
 mo „ *nem, aut commendam etiam DEPOSITI,*
 per „ *aut CUSTODIÆ nomine concedere.*
 ren „ III. eorum verò quæ ad necessitatem
 ous „ concessa erunt, nullus quidquam possi-
 ve „ deat, ut proprium, neq; ut proprio uta-
 sus „ tur. IV. Qui in præmissorum aliquo
 e ex „ deliquerit, pœnas nedum à Concilio
 pro „ Tridi: præscriptas, sed alias quippe mul-
 ran „ to graviores Superiorum arbitrio impo-
 cau „ nendas incurrat. V. NULLA *quorum-*
 eti „ *cunq; Superiorum DISPENSATIO,*
 pi „ NULLA LICENTIA *quantum ad bo-*
 ne „ *na immobilia, vel mobilia excusare possit,*
 no „ *quo minus culpa & pœnæ ab ejusdem*
 l e „ *Concilio Decretis impositæ, & ipso fa-*
 po „ *cto incurrendæ obnoxij sint, ETIAM-*
 re „ *SI SUPERIORES ASSVERENT,*
 on „ *HUIUSMODI DISPENSATIONES,*
 „ *aut LICENTIAS CONCEDERE*

„ POSSET: QUIBUS EA IN RE FL.
 „ DEM MINIME ADHIBERI VOLU-
 „ MUS. VI. Fratrum vestitus, & supellex
 „ cellarum ex communi pecunia compa-
 „ retur, & omnino uniformis sit Fratrum,
 „ & quorumcunq; Superiorum, Statuiq;
 „ paupertatis quam professi sunt, conve-
 „ niat. Nihil etiam quod alicui sit neces-
 „ sarium, denegetur. VII. Quæcumq;
 „ Fratrum vestes sive laneæ, sive lineæ, o-
 „ mnisq; alia supellex in aliquem commo-
 „ dum conventus locum deferantur: ibiq;
 „ ab uno, vel duobus Fratribus huic mu-
 „ neri deputatis diligenter custodiantur,
 „ ut inde Superioris arbitrio, prout cuiq;
 „ opus fuerit subministrari opportune
 „ possint. VIII. Omnes etiam Superiores,
 „ quicumq; illi sint, eodem pane, eodem
 „ vino, eodemq; obsonio, sive (ut ajunt)
 „ pietantia in communi mensa prima ve-
 „ secunda, nisi infirmitatis causa impedit
 „ fuerint, vescantur: neq; singulare ali-
 „ quid, quo privatim quisq; in cibum
 „ mutatur, ullo modo offerri possit. Si qui

„ in ea re peccaverit, nihil ea die alimen-
U. „ percipiat, nisi panem, & aquam. IX.
lex „ Superiores omnes etiam Generales, vel
ba. „ qui redditus, aut præstationes particula-
m. „ res ratione officiorum habent, eorum
iq; „ accepta, & expensa, in libro distincto
ve. „ fideliter, & diligenter adnotari curent;
ef. „ neq; in alios usus, quam ratione Officij
q; „ sui necessarios, quidquam expendant.
o. „ Cum vero contigerit ipsos in aliquo
no. „ conventu commorari, eam pecuniæ
iq; „ quantitatem in commune conferant ex
nu. „ qua sibi, & ijs qui cum ipsis erunt, vi-
ur „ ctus ad præscriptum Regulæ & Consti-
iq; „ tutionum suppeditetur. X. Nullus ex
ne „ Superioribus locorum administrationem
es „ Bonorum, aut aliarum rerum, dispensa-
em „ tionemq; pecuniarum, & reddituum sui
nt „ Conventus, per seipsum habere, sive e-
ve „ xercere possit; sed universum id onus
dit „ tribus Fratribus ejusdem Conventus à
ali „ Generali ita demandetur, ut unus re-
un „ rum, & Bonorum, reddituumq; colligen-
qui „ dorum, ac exigendorum curam habeat;

„ alter tanquam depositarius pecunias, ac
 „ cætera ab illo collecta, exactè & fide-
 „ ter asservet; aliùs de pecuniis, & rebus
 „ à Depositario acceptis Priori & Fra-
 „ tribus, ac Conventui universo, de neces-
 „ sarijs, mandante tamen ipso Priore, non
 „ secundum proprium affectum, sed juxta
 „ caritatis Regulam, veluti bonus dispen-
 „ sator, provideat, officiorum, hujusmodi
 „ confusione penitus interdicta. XI. Cæ-
 „ terum hi tres tam impensè, quam acce-
 „ pti, singulis mensibus Superiori locali,
 „ adhibitis etiam duobus, vel tribus Fra-
 „ tribus ejusdem Conventus, probatori-
 „ bus, rerumq; usu peritis, rationem red-
 „ dant. Deinde ipsemet rursus præsentibus
 „ Priori, & peritis prædictis, Gene-
 „ rali cum advenerit. Deniq; ipse Gene-
 „ ralis in quolibet proximo Capitulo Ge-
 „ nerali, saltem coram tribus judicibus ab
 „ ipso Capitulo ad hoc Constitutis, illo-
 „ rum omnium, universamq; suæ admini-
 „ strationis tam publicæ, quam privatæ,
 „ rationem reddere teneatur: cujus etiam

„ exemplum Authenticum ex actis Capi-
„ tuli describatur, ad hoc ut ad omne
„ mandatum nostrum, vel Sedis Aposto-
„ licæ transmitti possit. XII. In uno quoq;
„ Conventu, Fratrum is tantum deinceps
„ constituatur, & in posterum retineatur
„ numerus, qui vel ex redditibus illius pro-
„ prijs, vel ex communibus consuetis, vel
„ etiam singulorum eleemosynis, aliisq;
„ quibuscunq; obventionibus in commu-
„ ne, ut præfertur, conferendis commodè
„ possit sustentari. Reditus verò, & supra-
„ dicta omnia in communi loco, ac tuto
„ diligenter asserventur. XIII. Superi-
„ bus autem, *ne Concilij Trid: aut hæc no-*
„ *stra declarare, interpretari, aut relaxare*
„ *ullo modo possint, omninò interdicimus, &*
„ *prohibemus, decernentes irritum &c:* Si quis
„ autem contra præsumpserit attentare, is
„ eo ipso omni gradu, Officioq; privatus,
„ & ad ea perpetuo inhabilis existat.

IV. Urbanus VIII. Confirmavit
præfatam Clementis VIII. Constitutio-
nem, ut habetur in Bullario Romano, Tom.

4. Pag. 63. & Paulus V. Gregorius XV. Alexander VII. & Innocentius X. Confirmarunt Clementis, & Urbani Constitutiones: Istorum Pontificum testimonia prætereo ne sim longus.

V. Tandem Innocentius XII. & Trid: Decreta, & Antecessorum Pontificum Constitutiones confirmavit, atq; adversus falsa, & erronea commenta roboravit, ac omnemq; tergiversandi & cavillandi radicem averroneavit. Decreta hæc habentur in Bullario ejusdem Pontificis Pag. 267. & seqq. Initium Decretorum hoc est. *Sanctissimus Ec. Ut regularis disciplina ad Religiosorum salutem, & totius Christiani populi adificationem utilitatemq; sarta recta custodiatur, ac vigeat, ac sicubi collapsa est, adjuvante Domino, reparetur; constituit, & declaravit, se licentiam recipiendi Novitios in singulis approbatis Ordinibus benigne concessurum; dummodo tamen, quæ pro regulari vita rectè instituenda, tam à Sacrosancta SINODO TRID: quam à prædecessoribus Nostris Romanis Pontificibus, præcipuè verò*
fel:

fel: record: CLEMENTE VIII. in Decretis Generalibus pro Regularium reformatione, necnon INNOCENTIO X. & ALEXANDRO VII. pro Novitiorum receptione, & Professorum educatione, salubriter constituta sunt quibus omnibus firmiter inhaeret Sanctitas sua, eaq; quatenus opus sit CONFIRMAT, & renovat, (salvis tamen in hac parte singulorum Ordinum Statutis, seu alijs ordinationibus, ab Apostolica sede in FORMA SPECIFICA, post eadem decreta forsitan approbatis, aut editis) exactè, & inviolate servantur.

VI. Omissa fuerat in disciplina Apostolicomonastica illa periocha (salvis tamen in hac parte &c) Utpote non necessaria, tum quod non exactam communitatem spectat, tum quod de approbatione in forma specifica sermo est, qua approbatione compertum est, nullas Regularium Constitutiones peculium permittentes post Clementem VIII. fuisse confirmatas. Hoc jamjam clarius patebit. Quæ sequuntur igitur causam dirimunt.

VII. Quocirca Sacra Congregatio ab eodem Sanctissimo Domino nostro, super disciplina regulari specialiter deputata - - - de mandato Sanctitatis suæ præsentis Decreti tenore denunciatur omnium & singulorum ordinum Regularium Superioribus, tam generalibus, quam Provincialibus, quocumque nomine nuncupentur, cæterisque ad quos spectat, ut in una quaque Provincia, per Italiam & Insulas adjacentes, quam primum deputent, aliquos Conventus, quos magis aptos censuerint, vel unum saltem, ibique auctoritate Apostolica statuant omnimodam observantiam Regulæ, & Constitutionum cujusque Ordinis, & Decretorum Apostolicorum, præcipue verò EXACTE VI, TÆ COMMUNIS. Postquam verò Regularem observantiam, & signanter quoad EXACTAM VITAM COMMUNEM CUM AFFECTU stabilitam fuisse, tam eorumdem Superiorum Generalium, seu Provincialium relatione, quam præpositi, & Fratrum in præfatis Conventibus degentium, JURURANDO FIRMATO TESTIMONIO - - - eidem Sacræ Congregationi

suffi-

suffICIENTER constiterit, tunc Sanctitas sua antedictam licentiam, quam hactenus distulit, Novitios ibidem recipiendi benigne concedet. - - -

Porro: ne Regularis disciplina, dum in Conventibus jam erectis statuitur, relaxetur in erigendis, & quod una ex parte constituitur, simul ex altera destruaturs; Sacra Congregatio, Sanctitate sua similiter approbante, statuit, atq; decrevit, nulla impostertum Monasteria; Collegia, Domos, Conventus, aut alia Religiosorum loca fundari, erigi, aut quovis modo institui, debere, nisi sub EXPRESSA OBLIGATIONE EXACTÆ VITÆ COMMUNIS ab omnibus Religiosis ibi commorantibus perpetuò, & inviolatè servanda, ac præterea nullas deinceps admittendas hujusmodi foundationes, nisi prætter alia ad id requisita, prius legitimè constiterit, adesse annuos redditus, vel certam eleemosynarum spem, quibus duodecim saltem Religiosi in EXACTA VITA COMMUNI commodè valeant sustentari.

VIII. Perpendat nunc, quæ sequuntur

tur, qui contra me scribens ait *cute, & de industria* præteriisse supra indicatam periocham: *Salvis tamen &c.* perpendat, inquam, quæ sequuntur in Decreto Innocentiano.

IX. Non obstantibus circa præmissa OMNIA & SINGULA Constitutionibus, & Ordinationibus, Apostolicis necnon quorumcunque Ordinum STATUTIS, consuetudinibus, privilegijs, cæterisque contrarijs quibuscunque.

Ad extremum eadem Sacra Congregatio regulares omnes, cujuscunque Ordinis & instituti sint, SANCTITATIS suæ verbis serio admonet, & in Domino obtestatur, ut omnia mora postposita, sicut filios obedientiæ decet, ad Regulæ quam amplexi sunt, præscriptum, vitam instituant, & componant, decretisque Apostolicis pro ÆTERNA illorum SALUTE editis, sincerè, fideliterque pareant. Nec ab eorum obedientia inanibus interpretationibus, & fallacys aut RELAXIONUM PRÆTEXTIBUS, AD EXCUSANDAS EXCUSATIONES IN PECATIS adduci se sinant.

nant. Sed Professionis suæ memores quæ se totos DEI manciparunt, obsequio, susceptæ Christianæ perfectionis iter, arduum quidem, sed diuinæ caritatis dulcedine aspersum abjectis terrenarum rerum curis, alacriter prosequantur.

X. Tandem ne prætextu silentij, & tolerantiae Sedis Apostolicæ quipiam honestare contrariam corruptelam posset, sequens edidit idem summus Pontifex Innocentius XII. decretum insertum citato Bullario pag. 309. cujus initium est *Debitum pastoralis Officij*, in quo hæc inter alia habentur.

XI. Sicut non sine gravi animi nostri molestia, accepimus, tametsi decretorum hujusmodi observantia in plerisque Religiosorum virorum Monasterijs, seu conventibus, prospere ac feliciter introducta fuerit, atque ex inde inibi uberior in dies electi Sanctorum operum frumenti messis benedicente Domino exurgat; non eosdem tamen alibi caeleste idem semen, afferat fructus, neque enim cessavit, nec adhuc cessat humani generis hostis in agro DEI super

per seminare Zizania, quæ Patrisfamilias se-
mentem suffocant: hinc est quod nos propheti-
ci illius moniti memores: Clama, nè cesses,
quasi tuba exalta vocem tuam: ut constan-
enixaq; voluntas nostra inceptum opus hujus-
modi peculiari studio, summaq; animi conten-
tione, prosequendi magis ac magis innotescat,
omnisq; **TRANSGRESSORIBUS VA-**
NO, FALSOQUE SILENTIJ NO-
STRI PRÆTEXTU, sese excusandi occa-
sio penitus præcidatur, motu proprio prædictam
Congregationem Cardinalium, & Prælatorum
super disciplina regulari, tenore præsentium
perpetuo approbamus, &c. - - - ipsius autem
Congregationis à nobis sic confirmatæ faculta-
tes istæ esse debeant, - - - designandi, ac
deputandi pro Novitiatibus, & Professuris Con-
ventus, Monasteria, Collegia, ac domus &c.
- - - Decreta tum fel. record: **CLEMEN-**
TIS Papæ VIII. Prædecessoris Nostri super
Reformatione Regularium - - - **EXACTÆ**
VITÆ COMMUNIS, observantiam pro-
movendi, atq; ad hunc effectum dumtaxat no-
vas quorumcunq; Conventuum, Monasterio-

rum, Collegiorum, & domorum hujusmodi fundationes diligenter examinandi, ne ulla scilicet in posterum Religiosorum virorum loca fundari, erigi, aut quovis modo institui contingat, nisi in quibus eadem **VITÆ COMMUNIS** juxta ultimum dictorum Decretorum præscriptum perpetuo & exacte servari valeat &c.

Non obstantibus &c: quorumvis Ordinum Congregationum, Societatum, & Institutorum, alijsq; quibuscvis etiam juramento firmatis, **CONFIRMATIONEQUE APOSTOLICA**, vel quavis firmitate alia roboratis Statutis, & consuetudinibus, privilegijs quoq; indultis, & litteris Apostolicis ejusdem Ordinibus, Congregationibus, Societatibus, & Institutis, illorumq; Superioribus, & personis, ac alijs quibuscvis sub quibuscumq; verborum tenoribus, & formis, ac cum quibuscvis etiam, derogatoriarum derogatorijs, alijsq; efficacioribus, efficacissimis, & insolitis clausulis irritantibus, ac alijs Dēcretis in genere, vel in specie, vel alijs quomodolibet in contrarium concessis, confirmatis, & innovatis &c.

XII. Tandem Innocentius XII. Congregationem peculiarem instituit quæ iuramentum exactæ communitatis servandæ præstandum à Regularibus recipiat, antequam facultatem impertiat admittendi ad Religionem. Opere pretium existimo subijcere istius formam iuramenti. Eius autem tenoris sequentis:

Exemplar formularij quod iurant Regulares servanda exacta communitatis.

Nos infrascripti fidem facimus, & VERBO VERITATIS testamur, quod hoc Conventu N. stabilita est PERFECTIO BONORUM COMMUNITAS & omnia bona fratrum particularium, tum quoad OMNES PECUNIAS, tum quoad vestes, alia, sive sint census vitalitij, sive eleemosynæ ex prædicationibus, sive undequaq; provenientia, OMNIA SINT CONFUSA, cum Bonis & creditibus Conventus, & ipsis in corporata juxta Decreta Sanctæ memoriæ CLEMENTIS VIII. & INNOCENTII XI.

XII. & Sacra Congregationis Disciplina, ita ut ex
 quibus omnibus æqualiter provideatur, tam tem-
 pore sanitatis, quàm infirmitatis. Et est sta-
 bilita Vestiaria Communis, in qua repositæ
 sunt omnium fratrum vestes, ac omnia quæ ad
 communem usum sunt: ex qua Vestiaria omni-
 bus æqualiter providetur juxta uniuscujusq;
 fratris indigentiam. In hoc etiam Conventu
 ultra Bonorum supradictorum perfectam com-
 munitatem, viget Regularis o' servantia secun-
 dum rigorem Constitutionum nostrarum. Et
 Novitj in hoc Conventu Religiosè enutriuntur,
 & educantur in omnibus exercitijs ad statum
 Religionibus nostræ spectantibus, & tam de
 die, quàm de nocte probantur. Quare humili-
 ter supplicant infra scripti, cum JURAMEN-
 TO, omnia supradicta affirmantes, Sacrae
 Congregationi Disciplina regularis, pro licen-
 tia recipiendi juvenes ad habitum. Actum die
 &c. &c. &c.

XIII. Hoc est juramentum quod
 Sacrae Congregationi super Disciplina
 Regulari exhibent Regularium Superiores
 quoto biennio, aut triennio, ut facultatem

re-

recipiendi Juvenes ad habitum Religionis
 ab eadem Sacra Congregatione obtine-
 ant. Hypothesim formemus, in qua Ro-
 mana Sedes possit, & velit præcipere vi-
 tam communem, omni privato peculio va-
 cuam. In hac hypothesi possetne clario-
 ribus verbis, luculentioribus, & urgentio-
 ribus clausulis uti præjis, quas adhibui-
 in rescriptis decretis? Quo ergo se recipi-
 ent oppositum opinantes? Juvenire ne po-
 sunt ipsi aut expressiones luculentiores
 aut formulas efficaciores, præcipiendi au-
 exactæ communitatis observantiam? Ne-
 gabunt ne Romanæ Ecclesiæ potestatem
 præcipiendi perfectam rerum communita-
 tem? Nulla hic ad effugium rima patet.

CAPUT V.

*Communitate sublata, nec votum obedientiæ
 nec Regularis disciplinæ observantia
 consistere diu valent.*

1. **V**iolatio paupertatis: est scopulus
 quem facillimè impingunt viri clari,

stra-

ionistiales. Hinc tam antiquæ, quàm posteri-
orineiores Religiones passæ sunt plus & minus
a Ro relaxationem. Nihilominus Sacrorum Or-
e vi dinum Institutores non modo hanc pau-
o va pertatem exacta vita communi circum-
ario scriptam non mitigarunt, sed fortioribus
ntio præfidijs munierunt. Ordines Mendican-
ibui tes videntes collapsam disciplinam mona-
cipi sticam ob redundantes divitias, rejece-
por runt divitias, & redditus etiam in communi
ores possidendos, & mendicato vivere statue-
li a runt. His succedere Clerici Regulares,
Ne qui collapsam Mendicantium disciplinam
ater spectantes, ne huic vicissitudini obnoxij
nita & ipsi essent, paupertatem adeò severam
t. præscribere, ut alij nec pro Missarum ce-
lebratione oblationes recipere, alij nec
petere eleemosynas statuerint. Cur hoc?
entia Paupertatis Consilium liberum est. Divi-
a tias possidere nihil absolutè mali præfert.
us a Sacrorum Ordinum Patriarchæ tot sæcu-
clat lorum experimento didicere istius vitæ
ra- communis observantiam difficillimam es-
se, & facillimè à voventibus violari. Illo-
rum

rum caritatis erat, hanc temperare paupertatem, peculia, & census vitalitios permittere, ut hac via occasiones peccandi subditis suis removerent. Quando enim lex de re libera & innoxia, difficilè à subditis servatur, sapientis legislatoris est, aut eandem tollere, aut eam temperare, & communi usui accommodare.

II. Contra, Omnes ad unum Patriarchæ non modo paupertatis legem non relaxarunt, sed severius eam roborarunt & novis præsidijis munierunt. Cur nemini SS. Patriarcharum peculia, & redditus privati Religiosis concesserunt? Cur illa severissimè prohibuere omnes nullo excepto? opponant mihi vel unum Patriarcham qui peculia, & redditus privatos concesserit; & fasces illis submittere, atq; victoriam canere volo.

III. Quid ergo causa est, cur omnes Sancti Patriarchæ huc conspirarunt, ut unanimi consensu, hoc paupertatis, votum restringerent, arctarent, atq; omnino excogitabili modo firmarent? Quia sublato

com-

communis vitæ paupertate, concidat exactæ obedientiæ votum, & disciplinæ regularis observantia necesse est. Siquidem Professio vitæ Regularis ad paupertatem quod attinet, contractus mutuus est, ut indicavi, vi cujus subditi omnia bona & præsentia, & futura, solenni ritu Religioni cedunt; Religio vicissim eodem Sacro vinculo se astringit alendi, vestiendiq; subditos tum sanos, tum infirmos. Si Religionum Prælati oppignoratam fidem non solvunt, subditis omnia necessaria ministrantes, necessario consequitur, subditos obedientiæ vinculo solutos esse, quantum ad comparanda ea quæ pro victu & vestitu necessaria sunt. Ergo sublata communitate, obedientiæ votum, atq; adeo ipsa disciplina Regularis corrui.

IV. Industriæ, labores, media quæ subditi adhibent ut peculium acquirant, sæpissimè Religioni non congruunt. Si Prælati impedire ea pertendant, subditi jus naturæ opponunt sibi prospiciendi in victu & vestitu à Prælatis non collato.

Quandoquidem in claustris, à quibus exultat perfecta communitas, pro vestibibus aliqua summa traditur, alibi major, alibi minor, quæ pro integro non sufficit. Cellarum supellex integra saltem non datur; Pro itineribus, pro epistolis aut parum, aut nihil. Pro infirmitate curanda quædam, ut in hospitali, porriguntur; & qui non habent unde sibi subveniant, miserri-
mè langvent. Qui verò abundant, absit infirmis fratribus quidquam tribuant. Hinc alij in penuria summa decedunt, alij morientes plurimam pecuniam relinquunt; Quibus auxilijs compararunt ingentia peculia?

V. Fac Prælatos prohibere subolitis ineptis ne conciones habeant, quia ea morum probitate non sunt præcliti, quæ requiritur ut extra claustra Christianis exemplo sint, ne Monialium Confessiones audiant, ne se negotijs terrenis immiscuant, ne patrocinia ambiant, ne vagentur per Civitates; continuo in clamant subditi; si hæc lucra amittimus, quis nobis vestes

flus, quis epistolarum, itinerum, infirmitatum, expensas solvet? Quis *chocolate*, quis *tabaccum*, quis tot alia aut necessaria, aut congrua porriget? Census vitalitij aut exigui, aut nulli sunt &c: communi patrium monio nobis non providetur: ergo naturæ jure, quod omne votum antecedit, hæc nobis comparare justè possumus. Quid hinc? Literarum rudes, morum integritate, vel prudentia destituti è claustris exeunt, concionantur imperiti, Confessiones audiunt indocti, negotia tractant inepti. Illi favores & patrocinia aucupantur; isti præfecturas & officia ambiunt. Si Prælati intercidere velint, subditi opponunt, ut dixi, jus naturæ.

VI Mala, scandala, disciplinæ relaxatione, & alia absurda, quæ hinc proficiunt, nolo meis verbis exprimere. Dionysius Carthusius de Refor: Claustr: C. 16. hæc scribit: *Ex peculio tanquam ex venenosa radice multa peccata proveniunt, ut puta contumacia, superbia, contentio, partialitas, avaritia, vanagloria, invidia, mendacium*

luxuria. Quoniam abundantes in peculio al-
resistendum suis Superioribus fiunt audaces,
nec disciplinam, & correptionem patienter su-
scipiunt, partialitates efficiunt, & interdum
commessionibus, & ebrietatibus vacant, ex
quibus ad vitia carnis labuntur, & votum su-
um de Castitate servanda sceleratissimè fran-
gunt. Quid si nos hac scribendi libertate
uteremur? Similia, & graviora absurda ex
peculio manantia describunt Trithemius,
Nyder, S. Antonius, Cajetanus, & com-
muniſſe Theologi. En rationum momen-
ta cur SS. Patriarchæ etiam ultimæ ætatis
pecculio bellum indixere. Alias austeri-
tates, ut jejunia, vestitum asperum, &
plura alia pænitiæ exercitia aut linie-
runt, aut sustulerunt. Communitatem ve-
rò bonorum, licet agnovissent fuisse lapi-
dem offensionis ad quem plures impege-
runt, non modo non liniere sed, ut dixi,
severius illam præceperunt: quia hac exa-
cta bonorum communitate sublata, corru-
at universa disciplina monastica oportet.

CAPUT VI.

*Quam hostiliter pugnent cum voto paupertatis
monastica census vitalitij. Excusationes
& sophysmata quibus incrassari
peculiorum corruptela solet.*

I. **D**ivitiæ & paupertas evangelica non minus opponuntur quam castitas, & luxuria. Quare Christus dixit: *Si vis perfectus esse, vade, vende quæ habes & da pauperibus.* Vendere, & retinere non ne invicem hostiliter pugnant? nonne hæc duo: vendere omnia, ut omnes Patres interpretantur, & ipsum Evangelium clarè & perspicuè edisserit: & retinere aliqua, Chymæram monstrosam constituunt? & tamen Chymæra hæc familiaris est. Antequam professionem juvenes edant, census vitalitios sibi reservant ditiores, aut minores, prout domesticum patrimonium permittit.

II. Reponunt: se reservare hos redditus non sibi, sed Religioni. Religio enim absolutum dominium horum editum

habet; Religiosi verò purum merumq; rum
 facti ex licentia, & facultate Superi- non
 orum. Dominium autem, non merus usus spici
 facti cum paupertatis, voto pugnat. Rectè
 & venustè. Quid appetitiones nostras ex-
 plet, & saturat, dominium, an usus? Do- De
 minium absolutè sterile est, & unicè ap-
 petitur propter usum. Si separet ab usu I. C
 dominium, hoc futile, & vanum evadit.
 Ego facillime tibi perfectissimum domini- Luc
 um concederem, dummodo usum pecuni- dris
 arum semper Religio haberet? Quid tibi quic
 dominium hoc in casu prodesset? si mari- inst
 tus dominium, alter usum haberet uxoris, gios
 isne castitatem servaret? Maritus cum suo q. 1
 dominio continens esset & castus, alter
 cum suo solo usu facti venerem expleret.

III. Insistunt: Superior ad nutum re-
 vocare hunc usum valet. Peregregie. An
 nunquam revocat, ut experientia constat.
 Si revocare ad nutum Superiores peculi
 privati usum valent, cur reipsa non revo-
 cant? Cur communitatem exactam non
 invehunt? Cur Regulis, & tot Concilio

rum, & Summorum Pontificum decretis non parent? Responsum pressum & perspicuum exhibito.

CAPUT VII.

De ludis Regularium, & alijs qua cum voto paupertatis pugnant.

I. QUÆSITUM I. *Licet ne sunt Regularibus ludi alearum & sortis?* RESP: Ludis, qui in jocosio sermone, factisq; ludicris sistunt, ut qui corpus exercent, quiq; ad spiritum exhilarandum, viresq; instaurandas directi sunt, indulgere Religiosos posse, omnes cum S. Thoma 2. 2. q. 168. a. 2. Concedunt.

II. Contra Theologi, & Regulæ omnes à Sede Apostolica approbatæ ludos alearum severissimè Religiosis voto paupertatis devinctis prohibent. Nomine *aleæ* omnes ludi fortuiti intelliguntur. Quid quod ludi isti ipsis Christianis omnibus vetiti sunt; imò omnes ethnici Philosophi ludos ejusmodi execrati sunt ut *Tom.*

7. Theologiæ Christianæ palam feci.

Constitutiones O. P. ad carceris pœnam cing
damnant Fratres, qui inventi fuerint ad ta gine
xillos lufisse, non fœcus ac reos carnis, fur. tenj
tiq; . Ludus fortuitus folius avaritiæ, & fuer
defiderij ditescendi fructus est. Quid ma. & i
gis evangelicæ paupertati adversum, quam TEL
defiderium hoc divitias augendi. vis
Ne

III. QUÆSITUM. II. An paupertatis
voto repugnet, quod Regulares habeant instru-
menta argentea, ut cochlearia, cultrum, furni-
culam, arculam pro tabacco, horologia, idq; ge-
nus similia? RESP: Hæc omnia Solenni
paupertatis voto opponuntur, statumq;
disciplinæ monasticæ evertunt. Paupertas
enim & auri, argentiq; pretiositas directè
pugnant. Comperta hæc sunt natura sua.
Omnes Regulæ monasticæ usum auri ar-
gentiq; in ejusmodi instrumentis prohi-
bent. Constit: O. P. dist: I. C. 10. hæc
præscribunt. Nullus Frater aut Soror Ord-
inis Nostri, cujuscunq; gradus (NB.) aut con-
ditionis, existat, uti debet cochlearibus, &
instrumentis aureis vel argenteis, aut etiam
ex lapidibus pratiosis, sive in mensa, sive in
cin-

cingulis, sive in cappis, cultris, vel eorum vagina-
gines, sive in quocumq; alio genere rerum u-
tensilium. Qui autem transgressores reperti
fuerint, iisdem instrumentis omnino priventur;
& illa communitati applicentur, & GRAVI-
TER præterea transgressores puniantur. Gra-
vis punitio gravem culpam supponit.
Nec opponas, Constitutiones istas ad
culpam non obligare. Utiq; ad culpam
non obligant quæ extra vota sunt. At re-
scripta Constitutio votum paupertatis ex-
ponit. Votum autem illud ad culpam, &
quidem gravem astringit. Usus ergo a-
deo communem damnare audes? Non e-
go, sed disciplina Regularis, sed vota, quæ
distinguerunt labia tua DEO, præfata o-
mnia detestantur. At Religiosi docti,
& probi, his utuntur instrumentis?
Quid inde? isti gravius peccant,
quia sua doctrina & probitate
gravius scandalum Cæteris
pusillis ingerunt.

CAPUT VIII.

Quàm gravis sit Prelatorum obligatio invehende communitatis. Quid agere debeant Regulares degentes in Claustris, ubi pulsa vita communi peculia serpunt. Et an iuvenes suscipere habitum Religiosum in his locis licitè queant?

I. **QUÆSITUM I.** *Sunt ne in continuo statu peccati mortalis Superiores Regularium, qui sincero animo, & totis viribus conantur instaurare vitam communem ubi collapsa est? RESP: Affirmant omnes Patres, omnes Regulæ Monachales, Concilia omnia, & tandem ex adductis Constitutionibus pontificiis id luculentissimum est. Si ratiociniis meis, quantumvis validissimis id confirmarem, rigorismi, & infamatoris censuram non declinarem. Quare in medium adducam quæ non modo viri Sancti, sed alij non tantæ existimationis Theologi docent.*

II. Divus Antoninus (3. p. tit 16.

Cap. 1.) Satis credo quod qui se reperiunt in
e. Monasterijs, ubi non vivitur in communi, s^c
Prelati sunt, & non faciunt quantum est eis
possibile sine notabili scandalo ut vivatur in
communi, eos non esse in statu tuto.

III. Joannes Excuria (in trac: de
refor: p. 3. a. 2.) omnes Prelati tam mayo-
res, quàm minores, singuli videlicet respecti-
vè pro sui dignitate, officio, commissione, aut
a. facultate, de debito justitiæ tenentur subditos
a. suos Religiosos deformatè viventes, ad vita
on Regularis observantiam reformare. De ipso-
rum enim manibus sanguis subditorum requi-
ritur.

IV. Sylvester (verb. Relig. 6. § 7.)
Si Prelatus non facit quantum potest sine ma-
gno scandalo, ut vivatur in communi, non est
in tuto statu arg. dist. 83.)

V. Ludovicus Lopez de Texeda
(lib. 2. trat. 2. Cont. 7. dub. 2. n. 24.)
addo, Religionum Prelatos ex meritis Officij
teneri debitam adhibere diligentiam ut Religi-
osi subditi vitam transigant in communi, & i-

deo tenentur valde esse solliciti de necessarijs in illis conferendis, pro victu, & vestitu. Quare quod si illa non tribuant, cum commodè possint, peccant mortaliter, & sunt indigni Pralatorum officio, & debent deponi: quia tribuunt ansam Religiosis ut peculìa quarant, & votum laudabile paupertatis infringant.

VI. Thomas Sanchez (in Dec. lib. 7. C. 19. n. 27.) Tertio deducitur, non esse in bono statu Pralatum, qui in quantum potest absq; gravi scandalo, non nititur Religiosos vivere in communi, ac superfluos usus vitare.

VII. Valentia (2. 2. disp. 2. q. 4. a. 4.) Quarto sequitur esse in malo statu, tam Pralatos, quàm subditos, qui non agunt vitam communem, quando ex redditibus communibus possunt sufficienter vivere.

VIII. Franciscus Pellizarius (trac. de Monial. c. 4. Sect. q. 4.) Colligitur ex Sanchez asserente cum S. Antonino & Sylvestro, quod sicut Pralatus Regularium non est in bono statu, si quantum potest absq; gravi scandalo, non nititur, in communi Religiosos vivere; ac superfluos usus vitare; sic nec sunt

Tarij in bono statu subditi resistentes, non quod nequeant sufficienter vivere, sed quod velint abundare, & liberius disponere. Hoc enim adversatur voto Paupertatis.

IX. Joannes Baptista Lezana (quæst. Reg. Cap. 18. n. 14.) Prælati qui in quantum possunt, non curant suos subditos vivere vita communi a'sq; peculio, aut proprio, & superfluos usus vitare, non sunt in bono statu conscientie Ratio est: quia votum paupertatis id requirit, summiq; Pontifices, & Concilia id præcipiunt.

X. Gabriel à S. Vincentio (de Just: & Jur. disp. 3. q. 10 n. 132.) Superior peccat graviter non providendo subditis de necessarijs, tum quia præbet occasionem relaxationis Religionis dando occasionem introducendi peculium, tum quia privat subditos jure quod habet ad bona Monasterij.

XI. Thomas à IESU (specul. Relig. par. 4. Cap. 2.) Concludo Prælatum mortaliter peccare, qui non curat, ut communis vite ratio in monasterijs servetur. Idem esto judicium de eo, qui communem vitam jam la-

statam, quantum in se est, ad pristinam observantiam non conatur reducere, quin etiam ipsi subditi, qui Prælati vitam communem restaurare volentibus contradicunt, eadem culpa mulcentur. Primò: contrariantur ipsò factò Decretis Conciliorum, & Pontificum, à quibus hujus vite observantia districte præcipitur. Secundo: quia ubi vita communis non observatur; Monachi variis animæ periculis circa transgressionem voti paupertatis exponuntur. Tertio: quia communis vite observantiam Prælati reformare negligentes contraveniunt justitiæ legali, quia ex officio tenentur bono communi consulere. Insuper dispensatione sibi commissa abutuntur, & peccant contra fidelitatem, & sæpe contra justitiam distributivam.

XII. Servatius Lainvelz gravissimus unaq; piissimus auctor in sua optica Regular: (spec. 12.) Certum mihi est, esse in continuo peccato mortali eos Prælatos, qui quantum possunt, sua Monasteria non reformant, quicq; ad vitam communem Religiosos suos, quantum possunt, non reducunt.

XIII. QUÆST. II. An subditi Regn-

ob. lares resistentes introductioni vite communis,
 iam pulsus peculiis, sint in statu peccati mortalis?
 RESP: Ex ijs quæ dicta sunt, patet evi-
 denter resolutio, propositæ quæstionis.
 Nihilominus in maiorem confirmationem,
 quæ docent & citati, & alij auctores, sub-
 ijciam.

XIV. D. Antoninus (3. p. tit. 16.
 c. 1.) si subditi sunt, & resistunt huic bono
 dum attentatur, non quia non possunt vivere
 sufficienter, sed quia volunt abundare, & de
 suis suo modo ficere, videntur esse in malo
 statu, cum seculariter vivant, & velint in ma-
 lo statu perseverare.

XV. Cardinalis de Turre Cremata
 in Regulam D. Benedicti (Tract. 94.)
 Gravissimè peccant, qui reformationi hujus-
 modi abusuum temerè resistunt in Monasterijs,
 & se, & alios defendunt, ne ab hujusmodi la-
 be purgentur.

XVI. Sylvester (v. Rel. 6. §. 7.)
 subditi verò dicta communitati resistentes, non
 quia non possunt sufficienter vivere, sed quia
 volunt abundare, videntur esse in malo statu.

XVII.

XVII. Thomas Sanchez (lib. 7. Cap. 22. n. 27) *Similiter peccant mortaliter subditi dantes peculij causam, resistendo vitæ communi, cum illis necessaria ministrentur, & similiter graviter murmurando, & magis querelas fundendo.*

XVIII. Lezana (quæst. regul. Cap. 6. n. 60.) *Addendum tamen est, & valde notandum, Religiosos paratos esse debere ad recipiendam reformationem, & introductionem vitæ communis, si à Prælatiis denovo institueretur, seu restauretur, nec posse ullô modô resistere sub gravissimo peccato mortali. Ratio est. quia cum vita communis obliget sub peccato mortali omnes. Religiosos, ab illa excusari non possunt, nisi quia Prælati Monasteriorum non provident illis de necessarijs ad victum unde constando prædictis necessitatibus, sufficienter providendum fore, nulla remanebit ratio excusationis. Et hæc est communis ratio Theologo?*

XIX. Thomas à IESU (Specul. Relig. p. 4. C. 2.) *Graviter peccare dixi, quia volunt reformationi vitæ communis acquiesce-*

re, nempe propter grave damnum emergens ex eorum contradictione.

XX. Franciscus Lopez (lib. 2. tract. 2. contr. 7. dub. 7. n. 24) Religiosi autem tenentur ex merito suæ Professionis & status de communi vivere & contenti esse his, quæ à communi ministrantur.

XXI. Angelus Enrichius Castelli (tr. 4. de voto pauper C. 4 n. 5) Subditi resistentes vitæ communi, peccant mortaliter.

XXII. Alieferra (Orig: Monast: lib. 1. C. 15.) Monachi compelli possunt ad reformationem juxta præscriptum Regulæ quem professi sunt. Nec tueri se possunt in observantia longi temporis, quia contra ea quæ sunt de substantia vitæ regularis, nulla est præscriptio temporis, neque dispensatio.

XXIII. Emanuel Rodericus (Tom. 2. q. 53. art. 3.) ubi relato Tridentini decreto) §. 25. Cap. 2. (hæc infert. Ex qua decretali colliges, quod Religiosi debent, & tenentur reformare seipsos ad præscriptum Regulæ quam professi sunt. & art. 4. Peccant

Superiores negligentes instruere, seu reformare, & magis contravenientes reformare volentibus, & etiam singulares impediennes ea, quae contraveniunt menti, & verbis Concilij, quod est peccatum.

XXIV. Caramuel in Reg. D. Benedicti n. 630. Qui vota emisit in Monasterio irregulari, hoc est; ubi contra Regulam abusus irrepserunt, tenetur reformationi subjacere, & obedire Antistiti abusus illegitimos eliminanti. Sic loquitur Caramael, & in hac controversia addo sibi constare, ut in Theolog. Regul. n. 631. haec scribat. *Quam periculosè se fahant, qui existimant ex vi voti non teneri ad vitam communem, sed quòd tempore sua Professionis non servabatur in Monasterio.*

XXV. Ultimi loco adduco Capitulum Ordinis Præmonstratensis, sub doctissimo Joanne de Paigè celebratum, quodve insertum habetur in Bibliotheca Præmonstratensi (hb. 5 pag. 1019.) Reverendus Dominus Abbas Religiosos suos ad vitam communem reducat, revocetq; - - - &

ne quis sibi in hoc blandiatur, & Superiorum
obtrudat licentiam, audiat Innoc. III. in Cap.
qua cum ad Monasterium: Nec existimet Abbas,
quod quod super habenda proprietate possit cum ali-
quo Monacho dispensare - - - & Concilium
Be. Trid: Sess: 25. in Decreto de Regularibus &c.
ste. Quo fit ut sint in malo statu, labanturq; tur-
lam piter tam Prælati, quàm subditi Religiosi, per
sub. quos stat, quo minus omnes in Monasterio vi-
mos tam communem ducant. Quid plura? Vix
in vel unicum alicujus nominis Theologum
in reperire licet, qui oppositum doceret.

XXVI. Ex his omnibus hoc pacto
concludo. Juxta commune Theologorum
placitum; Prælati Regularium sub gravis-
simo peccato mortali tenentur pro viri-
bus vitam communem peculio vacuam in-
vehere. Hæc prima propositio certissima
est. Secunda. Omnes subditi ex lege ad
peccatum mortale obligante tenentur ani-
mo parati esse ad vitam communem pe-
culij expertem suscipiendam, ut commu-
niter omnes vel benigniores docent. Er-
go alterutrum necessario consequitur. Aut

Præ-

Prælati in extremo damnationis periculo versantur, propter ea, quòd præceptum gravissimum introducendæ vitæ communis pro viribus implere non conantur; aut subditi sunt veri proprietarij, quòd Prælati suis invehere bonorum communis fatagentibus resistunt, vel contumacem obfistendi voluntatem produnt, ob ejus repugnantia scandalum vitandum. Prælati ab implendo officio suo desistunt. Nullus hic tergiversandi locus superest, Si *plura cupis lege Discipl. Apost. Monast. Diss. 3. c. 4.*

XXVII. QUÆSTIO III. *Quomodo se gerere debeant Regulares, qui in ijs Conventibus commorantur, ubi subblata vita communi, peculiarium pestis serpit, ut propriae consulant salutis?* RESP. Rationem propriae conscientia dirigendæ & peculiarij habendi vix ego designare valeo. Rescribam quæ celeberrimus Joannes de Turra Cremata Card. in commentarijs in Reg. S. Bened. Cap. 94. docet his verbis.

XXVIII. *Gravissimè peccant, qui re-*
for-

formationi hujusmodi abusuum temere resistunt, & se, & alios defendunt, ne à tali labe purgentur. Ratio est: Quia isti sunt formaliter contemnentes remedia suæ salutis. & tale peccatum est in Spiritum Sanctum. Unde illi qui vivunt in Monasteriis deformatis, quintuplicis sunt generis. Quidam enim dolenti & amaro sunt animo, quod non vivunt in observantia, ex animo tamen aspirant ad reformationem. Alij sunt, qui nolunt aliter vivere, & sic ut sunt malunt manere, nollent tamen Superioribus resistere, si vellet reformare. Tertij sunt, qui positive sic vivere sub deformatione volunt, ut omni reformationi pertinaciter resistant. Quarti inveniuntur neutrales, in omnem partem incurij de modo vel sic, vel aliter vivendi. Quinti sunt, qui apparent bonæ voluntatis, & se reformare intendunt, sed aut quadam animi fragilitate, aut quia nullum modum consentaneum reformationis sibi intendunt, differunt, & semper inducias captant.

Inter hos omnes Religiosos secundi & tertij generis, qui deliberate reformari nolunt,

fr.

sive resistant, sive non, si sic usq. ad finem cessant persistant, in statu sunt damnationis. De quarto generis Religiosis dicitur, quod sunt sub periculo salutis, eo quod in Schola Religionis, non proficiunt, nec ad perfectionem tendunt, pro sui status exigentia, & incury sunt suae salutis. De quinto generis Religiosis, apparet periculum suae salutis, propter tepiditatem affectus, & quia discrimini se exponunt, & per hoc filios scandalizant.

Religiosi primi generis, qui vivunt in locis deformatis, ubi Regula non servatur, cum proposito se reformandi, si valerent, ut securius vivant, & tutius salutis suae consulant, haec omnia facere tenentur.

1. Laborare pro alio Conventu, ubi regulariter vivere possint. & illuc se transferre, nisi forsitan spem haberent. Satis certam proprii loci reformatam ex eorum praesentia.

2. Si locum reformatum habere non poterunt ut aliqua digna causa eum omiserint, super hoc doleant, & pro reformatione inducenda, semper quod in se est, faciant.

3. Non seculariter vivant; Bona consuetudo

*neCESSa nonnisi cum licentia Superioris, & in u-
uar-sum necessarium disponant, cum proposito sem-
pe per resignandi ad placitum Superioris, imò o-
nis, mne superfluum illi dando, aut potius ab alio
dum rerum provisionem sine usu pecuniaris recipi-
suando.*

*XXIX. Quisq; astringitur declinare
af occasionem proximam violandi proprium
pu-votum; Quando autem occasio est neces-
saria, tunc adhibenda sunt remedia opor-
t intuna, ad evitandam legis transgressionem;
cum Plurimis occasio habendi peculij necessa-
uri-ria est, cum isti remove illam nequeant.
hæc Hi ergo, ut sibi consulant, regulam pro-
priam in victu & vestitu, abtinentiam,
re-jejunia, & vestium asperitatem servant.
re, Tantum peculij illis licitum est, quantum
prj requiritur pro ijs rebus comparandis, quas
Religio subministraret, si in ea exacta vi-
po-geret communitas. Quod superest, Reli-
rintigioni tradant cum cæteris bonis Cænobij,
da-confundendum.*

*XXX. QUÆSTIO IV. Licitum ne
con-est juvenibus suscipere habitum Religionis, &
pro-*

*profiteri in ijs Claustris, ubi non servata non
 communitas rerum, & alia, præcipua Regula. non
 RESP: Negant communiter, omnes gra sen
 viores Theologi, S. Antoninus, 3. p. tit Reg
 16. C. 2. inquit: Et ubi quis ex ignorantia Fag
 vel errore intenderet illam (Religionem) in cret
 gredi, in qua non bene vivitur, crudelita na,
 esset non reddere illum cautum, & à proposu ligio
 suo revocare. Ut istius crudelitatis crime &
 declinarem, monere hac de re lectore Gra
 volui.*

XXXI. Cardinalis Cajetanus, 22
 q. 189 a 9. hæc scribit: *actus iste qui est, Inst
 inducere ad vitam Conventualem, est actus eligio
 genere suo malus, quoniam inducitur quis a discipl
 vitam reprebensibilem; Omnis autem vita re
 prebensibilis mala est - - - Unde vituperu Cap
 bile est, non solum inducere, sed etiam ingredi
 di; & recipere ad vitam irregularem Personam
 nas, utriusq; sexus, quamvis hoc toleret per
 missivè. Verùm Ecclesia post obitum Cætra.
 jetani nullum non movit lapidem, ut inabsol
 pediret receptionem juvenum, ubi exa d poret
 vita communis, & observantia Regulariplina
 non*

servata non vigent, ut ex Clemente VIII. & In-
 regula Innocentio XII. supra vidimus. Cajetani
 s gra sententiam confirmat, in 2. p. lib. 3 de
 p. tit Reg can. Cum virum num. 48. Prosper
 rantia Fagnanus. Martinus Navarrus. p. 2. De
 n) in cret. C. 12. n. 45. citata Cajetani doctri-
 delita na, concludit. Qui alteri suadet ingredi Re-
 opositu ligionem adeò laxatam, qualem modo dicemus,
 rime & ubi Regula perperam o' servatur, peccat.
 Etore Graviora docent Nazarius, Nyder, & cæ-
 teri communiter.

6, 21 XXXII. Ludovicus Lopez in suo
 ui est Instr: Conf: C. 43. docet: Inducere ad Re-
 ctus eligionem, vel ingredi ad eam, ubi male o' di-
 quis a disciplinam Regularem vivitur, peccatum esse.

ita re XXXIII. Sanchez lib. 4. in Decal.
 upera Cap. 16. n. 14. inquit. Illicitum est Mona-
 ingre sterium illud ita collapsum, nec proximè refo-
 Persumandum ingredi quamvis ab Ecclesia toleretur.

et pe XXXIV. Paulus Layman Lib. 4.
 n Citra. 5. C. 6. n. 5. scribit: Qui religionem
 ut im absolute vovit, is non tenetur, imò neq; licite
 exa potest ingredi ordinem, .cujus regularis disci-
 gularplina collapsa est, ejusq; Professi pleriq; male

non D • vi-

vivunt, ut ne substantialia quidem vota obse-
vent. Ideoq; ingredienti perversionis pericu-
lum immineat, ut docent Cajetanus Major,
Navarrus, Valentia, Rodriquet, Sanchez, Mo-
Lessius.

XXXV. Leander hæc trac. 1. de ju-
quæst. 14. & 15. docet: An prædictus vo-
vens, ingrediens Religionem quoad substanti-
alia collapsam, non solum non satisfaciat voto,
verum etiam mortaliter peccet? Respondeo di-
cendum, quod non solum non satisfaceret vo-
to, sed quod denuo peccaret mortaliter, ob
perversionis periculum.

XXXVI. Salmanticenses trac. 15
cap. 2 pun. 1. n. 1. hæc inquirunt; Cæterum
pro comperto habemus, non satisfacere (voti
ingrediendæ Religionis) ingrediendo Reli-
gionem relaxatam, & quoad principales obli-
gationes collapsam, nisi fortè spes subsit proxi-
mæ reformationis. Quia talis Religio non ma-
retur nomen Religionis, nec ad perfectionem
conducit, sed ad perditionem; nec in eam in-
grediendo pericula fugerentur, sed majora fo-
re amplecterentur. Eadem docent Passerius,

obse
berich
Major
achez
le ju
s vo
tanti
voto
eo di
et vo
r, o
15
erun
voti
Reli
obli
broxi
2 ma
iones
m in
a for
fferi
us

nus, Martinez de Prado, Lezaxa, Cassia-
nus à S. Elia, Rotarius, Bonacina, & com-
muniter omnes. Consule *Disciplinam Apost.*
Monast. diff. 15. Cap. 13. & Defens. Decret.
Conciliij Trid. Diff. 2.

XXXVII. Religio schola Evangeli-
cæ perfectionis est. in qua facilius ad o-
ptatum bravium pervenitur. Religiosi ve-
luti rheda, & curru ducti ambulant ad
pallium assequendum. Christiani in sæcu-
lo pedites iter agunt, undiq; scopulis &
laqueis circumsepti. Si currus sit optimè
ordinatus bene clausus & fortis felicissimè
ambulant viri Religiosi. Contra si currus
sit perturbatus, læsus semifRACTUS, tunc in-
feliciores sunt illi qui tali curru incedunt
& in graviori periculo versantur, frangen-
ti crura, brachia capita, quam Christiani
qui pedites ambulant.

XXXVIII. QUÆST: V. *Utrum*
habere redditus redundantes in communi pu-
net cum voto paupertatis: RESP: S. Tho-
mas 2. 2. quæst. 88. art. 7. respondet.
quod habere superabundantes divitias in com-

muni, siue in rebus mobilibus, siue immobilibus, est impedimentum perfectionis, licet non totaliter excludat eam; habere autem de rebus exterioribus in communi siue mobilibus siue immobilibus, quantum sufficit ad simplicem victum, perfectionem Religionis non impedit, si consideretur paupertas, per comparisonem ad communem finem Religionum, quæ est vacare divinis obsequiis.

XXXIX. Extrema diligentia, summa cavenda in hac materia sunt. Victum & vestitum præbere Superiores, ad normam propriæ Regulæ debent: caritas in hac provisione elucere debet. Victus non debet delicatus esse, sed diligenter & oportune paratus, ut decet regularem sobrietatem. Vestitus quoq; promptè tradatur. Infirmorum cura magna habenda est. Aliud extremum divitiarum etiam in communi possidendarum vitandum est. Non ob paupertatem, sed ob divitias Religionem omnes naufragium passæ sunt. Pauperes ne IESU Christi ejusq; Discipuli & comites dicendi essent, qui superb

ædi-

ædificia, splendida palatia, qui ingentes
reditus possiderent? Si talia peragerent,
proculdubio Religionis relaxationem, &
& perversionem inducerent. Religio e-
nim Christi IESU & redundantes, divitiæ
contradictoriè opponuntur.

CAPUT IX.

De voto Castitatis & Obedientia.

1. **QUÆST. I** *Quid sit votum Castitatis
Religiosæ?* **RESP.** Est abstinentia per-
petua ab omni actu venereo, tam interno quam
externo. Sacerdotes peccantes contra hoc
votum augment malitiam ob duplicem titu-
lum seu vinculum, quo Sacerdotes ob-
stringuntur, castitati servandæ. Hujus vo-
ti observantia à modestia oculorum à so-
litudine, à carnis mortificatione, ab otij
declinatione plurimum pendet. Quare
quælibet Religio & jejunia, & victus tem-
perantiam & alias virtutes plus & minus
præscribit in castitatis præsidium. Renun-
ciant divitijs ut animum ab affectu pecu-
niarum immunem conservent. Separantur

à sæculo ut ablata omni occasione facilis castitatem custodiant quam observare & ipsi Christiani in medio laqueorum mundi, & inter ipsa sæminarum præstigia, aut virginalem, aut matrimonialem astringuntur. Aspectus venereus & sola delibata delectatio, luxuriosa æquè Christianum ac Religiosum virum in infernum detrudunt, sola circumstantiæ sacrilegæ diversitate.

II. Virtus hæc veluti limpidissima chrystallus in putrido & luculento corpore defertur. Facillimè bitumen succenditur, & luxuriæ ignis ardet, & sulphureæ exhalationes castitatis candorem offuscant, nisi assidua vigilantia custodiatur. Concupiscentia dira fera est, quæ semper rugit, & revolutiones machinatur. Si initio heroico spiritu cohibeatur, & continua custodia frenetur, ejusmodi victoria facilis nunquam tamen eidem fidendum, qui versute, & ex insidiis suam orditur rebellionem. Concionatores, & Confessarii præsertim vigiles sint oportet. Hi quippe

ratione ministerii frequenter feminas alloquuntur, A colloquiis spiritualibus initium ducitur; at nisi cautela summa adhibeatur, omnia in carnem desinunt. Confessarii habent suas filias spirituales, quibuscum familiares sermones texunt, Halitus ille Virginalis, simulque femineus, calida illa suspiria, & familiaritas paternitatis spiritualis cum filia spirituali fugienda sunt tanquam sibi basiliſci. Tractandæ feminae sunt, non secus ac personæ lue inquinatae spirituale alimentum porrigatur, & continuo separatio succedat, alioquin pestu luxuriæ suæ veneficia immittit. Verum quia innumerj libri sunt qui fusius hoc argumentum tractant; idcirco ab ulteriori abstineo sermone.

III. QUÆST: II. *Quid ratione voti obedientiae præstare Regularis Obstringitur.*
R. Votum obedientiae est oblatio propriae voluntatis DEO facta, dum Regularis promittit obedire suis Superioribus in iis omnibus quæ hi juxta propriam regulam jubebunt. Quare Regularis obedire tene-

tur sub gravi culpa Superiorum præceptis. Quando Superior non præcipit, sed solum optat hortatur, etiamsi subditus non pareat, non propterea violat obedientiæ votum quia nullum transgreditur præceptum. Præcepta autem Superiorum de re gravi esse debent.

IV. Quatuor communiter conditiones pro exacta obedientia Sancti Doctores requirunt. *imo* ut sit prompta executio ejus quod præcipitur: 2. ut interior voluntas accedat executioni externæ: 3. ut subditus proprium judicium in re dubia aut controversa submittat judicio Superioris. 4. cognita Superioris voluntate non est expectandum præceptum, sed implendum est quod Superior cupit. Hæ tamen conditiones ad majorem obedientiæ perfectionem requiruntur. Secus adejusdem virtutis naturam. Ad hanc enim, & ut peccatum, saltem grave evitetur, sat est ut reipsa subditus obediat, & exequatur impositum præceptum. Advertendum tamen, quod Superiores interdum præcepta
su.

suspendunt, ut scandalum evitent, quia prævident subditos minime paratos ad implendum præceptum. Et tum subditi qui hæc obsistendi Superiorum mandatis argumenta perhibent, sunt in malo statu, & peccare mortaliter valent spectata, rei præcipiendæ gravitate. In his enim circumstantiæ spectandæ sunt.

V. Superiores jure præcipere valent ea omnia quæ intra confinia regulæ & Constitutionum continentur vel ad regulæ & Religionis conservationem & decorem indirectè etiam conducunt. Queunt etiam Prælati ea vetare quæ tendunt ad proprias leges violandas, & alia jubere quæ graviter expediunt Regulæ & Constitutionum observationi. Quare præcipere Superior potest necessitate urgente ut subditi inserviant Religiosis & Sacramenta ministrent Christianis peste infectis, præsertim si Religiosi ordinem profiteantur ad proximorum salutem procurandam institutum.

VI. In re dubia parere subditus te-

netur Superiori præcipienti, quia possessio stat pro Superiore, ut communiter Theologi docent. Probabilistæ non nulli contendunt, subditos habentes pro se opinionem etiam minus probabilem liberos esse ab obedientia præstanda, quamvis opposita sententia probabilior sit pro Superiore. Et ita docere coguntur, admissio systemate probabilistico. Hinc verò luculentius apparet, quam sit auctoritati Superiorum, & optimo regimini seditiosus, atque perniciosus probabilismus.

VII. Superiores nihil supra aut contra Regulam præcipere valent subditus tamen non est legitimus iudex, num id quod Prælatus jubet, sit contra, vel supra Regulam, nisi res evidens sit. Capitula Generalia præscribere, & condere statuta valent nova, quæ Ordinis & decorem augeant, & observantiam Regularem validius firment. Ad præfecturas quoque acceptandas & obeundas prælati urgere subditos suis præceptis jure queunt secus ad acceptandas dignitates, vel Episcopatum extra Ordinem.

VIII.

VIII. Graviter Regulares peccant, vel dum præceptum Superioris implere recusant, vel dum ejusdem vocem contemnunt, vel dum reformanti, abusus, & corruptelas, invehitas contra Regulam & Constitutiones resistunt. Peccant venialiter si ea executioni demandare negligent quæ sciunt à Superiore præscibi, quamvis non sub præcepto, ut dum inculcant obsequiantiam Regulæ & Constitutionum. Et licet Constitutiones natura sua ad culpam non obligent, re ipsa tamen nunquam deliberate violantur sine aliqua veniali culpa, qui vero ex habitu & consuetudine eas indiscriminatum transgrediuntur, ad tacitum contemptum se se disponunt, & contra præceptum aspirandi ad perfectionem peccant

IX. Superiores qui Regulæ & Constitutionum transgressiones dissimulant, qui easdem pro viribus corrigere & impedire negligunt, aut ex torpore & negligentia, aut ex quadam conniventia, peccant mortaliter, ut Diana Salmanticen-

ses La-Croix, & alii communiter docent. Superiores enim vi muneris sui destinati sunt ad legum custodiam, & universæ disciplinæ observantiam promovendam. Illorum negligentia in impediendis transgressionibus gravissimum detrimentum infert Religioni, Hinc enim gravissima proficiscuntur absurda, & hinc omnes Sacrorum Ordinum relaxationes manarunt. His quippe transgressionibus succedunt violationes votorum, scandala, castitatis jactura, & proprietatis pestes.

CAPUT X.

De Tyrocinio, seu Novitiatu Regularium.

1. **A**Ntequam Religionem juvenes sole-
mni ritu profiteantur, debent per annum integrum habitum Religionis, & palam gestare. Libera autem, & non co-acta sit hæc Religiosæ vestis susceptio necessarium est. Qui puellas cogunt ad hanc susceptionem, mortaliter peccant, & excommunicationem incurrunt, ut Tridentinum *Sess. 25. c. 18. statuit.* Qui autem

juvenes mares cogunt minis, peccant mortaliter, sed excommunicationem non incurrunt. Juvenes qui coacti tyrocini-um peregrissent, si libere professionem emitterent, validus fuisset Novitiatus. An- nus hujus Novitiatus integer esse debet, ut Tridentinum *Sess. 25. c. 15.* præscribit, continuus & non interruptus. Qui per diem habitum dimitteret, & à clauistro exiret animo non redeundi, licet post diem rediret, Novitiatus interruptus diceretur; secus si per aliquot horas dimitteret, absque exitu è cœnobio.

II. Jnepti jure naturæ ad Novitia- tum ut sunt decrepiti, insani, habitua- liter infirmi gravi morbo, servi vere tales repugnante domino Conjuges post con- summarum matrimonium sine mutuo con- sensu professi in altero ordine sine licentia Superiorum. Jure positivo recipi neque- unt Episcopi Archiepiscopi, qui sine ex- pressâ summi Pontificis facultate profiteri Religionem regularem nequeunt Ceteri autem Ecclesiastici liberi omnino sunt e-

tiam curæ animarum addicti ad profitem-
dam vitam Regularem.

III. Pontifices summi plures edide-
runt Constitutiones, quibus determinant
conditiones recipiendorum ad ordines re-
gulares Sixtus V. sua Constitutione *Cum
de omnibus* prohibuit ne viri prætergressi
annum sextum decimum reciperentur, nisi
præmissa severa perquisitione de patria
de acta vita de parentum qualitate. Quod
si repertum fuerit istos larrocinia, aut alia
similia scelera patrâsse vel suspectos de i-
isdem esse, aut condemnatos vel pruden-
ter timeatur condemnandos fore; si ære
alieno, gravatos supra vires, vel ratiocini-
is reddendis adstrictos unde lites & mo-
lestiæ, prævideantur; prohibet ne recipi-
antur, & professionem ab istis emissam
nullam declarat Prælatos verò qui scien-
ter ejusmodi receperint, privat voce acti-
va & passiva, gradibus & præfecturis in-
habilesque constituit ad futuras dignita-
tes, & gradus. Hanc Constitutionem al-
tera Constitutione cujus initium est, *Ad*

Romanum Pontificem temperavit non quantum ad poenas, sed quantum ad crimina. Gregorius XIV. alia Constitutione dictâ *Circum spectâ* partim sustulit, partim auxit Sixtinæ Constitutionis moderationes. Et tandem Clemens VIII. Professionem reduxit ad terminos Juris communis: ita ut nisi aliquod Juris communis impedimentum obstat Professio valida, sit. Poenas vero intransgressores in suo reliquit vigore. Nunc tamen vi Constitutionis ejusdem Clementis VIII. Regulares recipere juvenes possunt etiam prætergressos annum decimum nonum exacto tamen juramento, quod neque criminosi, neque ratiociniis reddendis obnoxii, neque rei furti, aut homicidii vel aliis impedimentis in Sixtina Constitutione recensitis ligati sint. Prælati qui ejusmodi scrutinium negligunt graviter delinquant & subiecti sunt Sixtinæ Bullæ poenis. Valida tamen Professio erit dummodo nihil contra jus commune repugnet.

IV. Novitii omnium privilegiorum

Re-

Regularium participes sunt, cum sint sub potestate Religionis, & ejusdem onera sustineant. Quare sunt à jurisdictione Episcopi immunes, & privilegio fori gaudent. Possunt Superiores Religionis cum iisdem dispensare super præceptis Ecclesiæ, & eorum votis, quæ tamen implere, si habitum Religionis dimittunt, debent. Contra si absolvantur à censuris, irregularitate, vel reservatione si exeant à Religione, quam bona fide amplexi fuerant, absoluti manent.

V. Si in anno Tyrocinii novitius decedat heres ab intestato ejusdē bonis succedit Donationes liberæ inter vivos, contractus, lucrosi, renuntiationes bonorum temporalium, officiorum, dignitatum, nisi fiant cum licentia Episcopi aut ejus vicarii duobus mensibus ante professionem irritæ sunt & nullæ, ut determinavit Tridentinum Bona quæ sibi obventura sperat Novitius, renuntiare potest Religioni quam Professurus est, etiam vivente Patre secus alteri determinatæ Per-

sonæ. Bonis quæ jure sanguinis obveni-
unt Novitio, nisi ipse disponat juxta præ-
scriptum Tridentini ante Professionem,
uccedit ordo quem Professus est, si ca-
pax sit bonorum immobilium.

CAPUT XI.

De Professione Regularium.

PROfessio Monastica, ut alias indicavi,
contractus est quo homo semetipsum
DEO offert in aliqua approbata Religio-
ne solemniter tria vota paupertatis, ca-
stitatis, & obedientiæ emittendo coram
Prælato consentiente, quique DEI nomi-
ne hæc vota acceptat. Duplex est: *Expres-
sa*, quæ verbis fit coram Superiore, & *ta-
cita*, quæ signis & actionibus à jure statu-
tis peragitur; ut si novitius expleto anno
sexto decimo & integro anno sui tyroci-
nii, exerceat actiones Professorum, eo-
rumque habitum deferat, professionem ta-
citam emittit, si tamen Prælatus consen-
tiat, & ipse Novitius libere, non coactus
seu nullo timore extrinsecus graviter in-
cus-

cusso adductus id agat, advertatque ejus
modi actionibus se tacitam Professionem
incurrere, & habeat animum profitendi
verum quamquam tacita hæc professio
nuncupetur, reipsa expressa suo modo est

II. Ut Professio Regularium legitima sit, requiritur legitima potestas, quæ
residet, vel in Romano Pontifice, vel in
Superiore Religionis, juxta Regulas pec-
culiæres cujuscumq; Ordinis. In hoc aut
illo Ordine non sufficit solus Superior,
sed necessarius est consensus majoris par-
tis Patrum à consiliis vel Capituli. Si ma-
jor pars istorum Patrum reluctetur, nec
Superior illius Conventus, in quo est No-
vitiatus, nec Superiores majores possunt
admittere Novitium ad professionem re-
luctante verò Superiore immediato & ac-
cedente consensu majoris partis Patrum à
Consiliis valent Superiores majores ut
Provincialis vel Generalis admittere No-
vitium ad Professionem. Cæterum quilibet
Ordo suas consulere leges debet.

III. Plura sunt impedimenta quæ

nul-

nullam reddere professionem queunt. 1. *Ætas* ante annum decimum sextum completum. 2. Si annus *Novitiatus* non sit integer, vel ut inter ruptus. 3. *Defectus libertatis*, ut si servus repugnante domino profiteatur. 4. *Matrimonium consummatum* altero conjuge repugnante. 5. *Episcopatus* non accedente Pontificis licentia. 6. *Nimia senectus*, aut morbus gravis, non curabilis, impediens *Regulæ ob-servantiam*. 7. *diversitas sexus*, ut si vir in *Monasterio* mulierem aut contra profiteatur. 8. *Metus gravis* injuste incussus. 9. *Error circa essentiam status Religiosi*. 10. Si desit animus se obligandi vel si ficto animo acceptetur à Superiore nulla est in foro conscientiæ. 11. Tandem si contingat aliquis defectus qui vi *Constitutionum* talis *Ordinis* professionem irritet.

IV. Ut professio nulla ex parte utriusq; & Superioris acceptantis & Professi redintegretur, requiritur utriusque partis reciprocus consensus. Si vero nulla

la sit ex defectu consensus solius professi, tunc sat est ut ipse solus renovet consensum, ratamque habeat professionem emissam. Aliqua vero professio nulla esse potest ex impedimento quod non admittat remedium, quo sanari possit.

V. 1. Effectus professionis regularis est remissio omnium peccatorum etiam quantum ad poenam ut 22. q. 189. a. 3. ad 3. docet. D. Thomas cui subscribunt cæteri Theologi 2. Est ablatio irregularitatis ex defectu natalium pro sacris Ordinibus suscipiendis, secus pro præfectura exercenda. 3. aufert ingratitudinem filii adversus patrē qui exhæreditare amplius filium nequit. 4. Dirimit matrimonium ratum & non consummatum. 5. Commutat vota in sæculo facta in professione: quæ commutatio per ipsam professionem fit Quare etiamsi Professus frequenter negligeret observantiam jejuniorum, aliarumque austeritatum Ordinis, nihilominus commutatio facta consisteret. 6. Est provisio victus & vestitus quam re-

ligio ministrare tenetur professis tum sanis, tum infirmis, eosq; educare in studiis juxta propriam vocationem astringitur.

VI. Tridentinum *Sess. 25. cap. 19.* facultatem Regularibus impertit reclamandi contra Professionem emissam tribus adjectis conditionibus 1. reclamatio & causa rescindendæ professionis ante elapsum à die emissæ professionis quinquennium instituatur: 2. Ne reclamans habitum Religionis deponat pendente causa reclamationis. 3. ut causa rescindendæ professionis instituatur coram proprio Superiore, & ordinario, qui sententiam ferre debet.

VII. Ut quis reclamare licite queat contra propriam professionem fundamenta habere certa debet, & evidentia. Qui enim dubius est, reclamare licite nequit, quia in dubio præsumptio stat pro professione Plura dicenda de hac reclamatione essent. Verum cum hæc omnia ad forum externum pertineant, & fuse tractentur à non paucis Canonistis, idcirco illa prætereo.

VIII.

VIII. Illud dumtaxat hinc colligant
 velim magistri novitiorum, quanta dili-
 gentia & vigilantia candidatorum vocati-
 onem expendere graviter astringantur.
 Causa princeps relaxatæ disciplinæ regu-
 laris est defectus vocationis divinæ ad il-
 lum sublimem statum profitendum Siqui-
 dem plurimi non DEO vocante ut adver-
 tit Cardinalis Bellarminus *lib. 2 de gem-*
col. sed alijs rationibus quas explicare non
 vacat, adducti huic sacræ militiæ nomina-
 dant væ novitiorum præfectis, si oculos
 claudunt super hoc gravissimo negotio,
 ne propria claustra vacua remaneant &
 non vocatos ad professionem admittunt.
 Deficiente hoc primo Cœlestis vocatio-
 nis fundamento, quid mirum, quin univer-
 sum ædificium corruat. Castitas donum
 speciale Spiritus Sancti est ut intaminata
 fervetur, gratia, non ab humana infirmi-
 tate vires expectans sed ut à DEO ma-
 nans, victrix atque triumphans requiritur
 vocatione divina sublata deest gratia illa
 singularissima, & hac gratia destituti casti-

gantatem sacrilege polluunt, deturpant, corrumpunt. En expositam omnium malorum radicem. Cautissimi ergo sint Novitiorum Magistri in expendenda eorundem vocatione.

IX. Non me latet quod opponere isti solent, nempe mundum in maligno positum esse, & Christianorum mores laxatos atque indies corruptiores fieri Ex hac silva transferendas in regularium Viridaria plantas esse, quæ in grandine, antequam olivæ inferantur, percussæ sint, vix fieri potest ut fructus pariant, vita æterna dignos. Verum habet. Quam orem secernendæ sunt plantæ tunc ab infectis At sane reponis, paucae sunt & multiplicata claustra impleri debent. Nisi longus essem, si pro dignitate hanc discutere objectionem vellem. Vide *disciplinam Apostolica: Mouasticam P. 2. dis. 1. 15.* ubi fusc hanc difficultatem discutiam invenies. Regularium propagatio, & perennis successio non carnalis sed spiritalis est à DEO descendens. Tu solos

vocatos ad professionem excipe, & curam DEO relinque ut operarios mittas. Si secus feceris, & te & alios periculo aeterno pereundi expones.

CAPUT XII.

De Litterarum studio, in quod incumbere Regulares astringuntur: & quæ Methodus in scientiis addiscendis servanda.

I. Christiani omnes plus & minus, prout eorum conditio fert, Scripturis Sanctis dare operam debent. In hoc autem studio Regulares, & omnes viri reverbis sacris addicti incumbere gravissimè astringuntur Joannes Trithemius inclitissimus Sanctissimi Patriarchæ Benedicti Ordinis præclarorum virorum, non modo antiqua, sed etiam ætate nostra, DEO auspicio fecundissimi Abbas homil. 4. de studio sacrarum scripturarum, hoc pacto Monachos suos alloquitur. Videmus inter quosdam scripturarum lignarios instabiles mentes, te, discolos, & vagos, quibus eo magis impetamus ignorantiam, quo minus inclinantur ad

di.

cu
tra
a
disciplinam. Turpe quidem est nescire quod
scire juberis, turpius non discere, turpissimum
verò contemnere. Et sunt inter vos qui scientiam salutarem nesciunt, sunt etiam qui discere negligunt quid si addam esse & ad alios
R qui scientiam Divinarum scripturarum panitus contemnunt.

15 Et paulo ante hæc habet. O stulti
& perditissimi Latrones, qui scientiam salutarem contemnitis, & ignorantiam Divinarum
pro scripturarum potius quam intelligentiam amatis? Numquid affectati ignorantia pavtoribus
turis? Numquid affectati ignorantia pavtoribus
i reos plagis reddet obnoxios? Aut propterea detinquentes, eritis coram DEO innoxii quia
climandatorum DEI voluntarie estis ignari? Duplici pena cruciandi eritis: altera, quod scire
antiviam mandatorum DEI contemnitis; altera
uspiquod sermones DEI non custodistis - - De
rudivobis etiam, o stultissimi tenebriores. illud
onaintelligitur S. Hieronymi, quoniam ibi non
r vult ignorantia jam excusabilis, ubi scitur quid
mentit illud quod ignoratur magis autem cavendum
mpu vobis ne cum illis tandem computemini qui

E

di-

dixerunt DEO: Recede à nobis viam sententiarum tuarum nolumus.

II. Neque illi solummodo culpani sunt qui crassa, & supina ignorantia eorum quæ proprium statum spectant, inlicitè laborant qui in sapore quodam nestissimo quam libentissime obdormiunt qui nec brachium, nec pedem movere volunt ut necessariam consequantur scientiam; verum illi insuper qui tempus præbent in addiscendis artibus, scientiis disciplinis, quæ à scientia Sanctorum abdicant, quam potissimum comparare debent Claustrales Rescribere placet verbum Ludovici Granatensis par. 2 de voto c. 2.

„ § 7. Quam multi hodie, studiosi sunt
 „ in mundo, & inter hos quam pauci
 „ discipuli sint IESU Christi. Et quod
 „ acerbissimum est illi ipsi qui, recente
 „ mundo relicto, amplectuntur Religio
 „ nem vel eo tempore quo debent exp
 „ liare veterem hominem, & huic se
 „ disciplinæ impendere, cum vix DEUM

gustare cæperunt, atque ad eum cognoscendum ægre aperuere oculos collocantur, inter gentiles Philosophos, & in scientiis mundanis exercentur, ubi in longum tempus nec verbum de IESU Christo auditur. Quod studium etsi propter mutationem temporum & hæreticorum perversitatem aliquo modo necessarium sit tamen tamquam magnam plagam sæculi nostri & vitæ debemus accipere utpote quod nobis tantum temporis eripiat, & separet, atque exules faciat tot annos, à salvatoris nostri consortio. Præsertim si attendamus quod dicit Gregorius Nazianzenus, omnes illas Gentilium scientias & disciplinas tamquam plagas Ægypti ob peccata nostra in Ecclesiam intrasse: Sed cum misera temporum conditio nos ad hanc necessitatem adegerit, congruum illi tempus dandum, & assignandum foret, atque ita providendum ut ædificium & fundamentum virtutis sic consti-

Ea.

tu.

„ tutum esset, in animis eorum qui inci- „
 „ piunt, ut sustinendo isti oneri suffice- „
 „ rent. Sed quamdiu opus tenerum est & „
 „ infans Christianus adhuc gustat lac IE- „
 „ SU Christi, stultitia est ipsum illum ab- „
 „ lutare, & gustum illi dare librorum „
 „ gentilium *ubi non videt nisi argumenta* „
 „ *subtilia, & plena fallaciis sophismata* „
 „ Quid verò si bene expendamus, hoc est „
 „ aliud quam imitari crudelitatem Phara- „
 „ onis ruinam populi DEI Machinantis „
 „ cum imperaret, ut quam primum He- „
 „ bræus masculus nasceretur, suffocaretur „
 „ flumine & aquis Ægypti? *omnia* (inqui- „
 „ sapiens) *tempus habent - - - tempus am-* „
 „ *plexandi & tempus longe fieri ab amplexi-* „
 „ *bus.* Tempus illud amplexando DEO „
 „ debebatur, comparandoque amoris tan- „
 „ forti, ut nullis aquis mundi suffocar- „
 „ posset, & extingvi: quo facto paulu- „
 „ lum licebit ab ipsius amplexibus rece- „
 „ dere ut necessitatibus proximi intenda- „
 „ tur. Quid alias volebat DEUS noster in- „
 „ le-

„lege, cum prohiberet ne sponsi, coge-
„rentur arma sumere & ad bellum pro-
„cedere? Quid significabat, cum vetaret
„operari in primogenito bovis, & non
„tondere primogenita ovium, nisi genus
„istud primo genitorum, de quo hic lo-
„quimur liberum esse à vinculis & on-
„eribus istis, ut totum se sibi & profectui
„suo impendat. Contra has leges omnes
„faciunt qui tempus istud suffurantur,
„studio veræ sapientiæ, & veræ scientiæ,
„ut totos se humanis scientiis addicant,
„si Hactenus sapientissimus Ludovicus
„Granatensis, cui nihil præter antiquita-
„tem deest, unde Pater Ecclesiæ nomine-
„tur.

III. Si temporum ratio coegit maio-
res nostros quando Arabum Philosophia
vigeat, doctrinæ Aristotelicæ operam da-
re, ut ethnicos & supersticiosos viros
propriis illorum armis, confoderent, op-
posita temporum vicissitudo urgere nos
debet ut in ea incumbamus studia quæ

revincendis convertendisque hæreticis & regularibus Catholicis opportuna sunt Nullum in præsens apud sive ethnicos, sive Turcos, qui nos circumstant Philosophiæ studium: supina illi laborant ignorantia, parvoquæ opus est quo illa revincantur. Hæretici nunc sunt qui dogmata Catholicæ oppugnant, & Catholici non nulli scriptores, qui evangelicæ moralis regulæ pia intentione & fabro opinandi modum præventi, vel nolentes humanis appetitibus nimis accomodant. In illud ergo majores nostros imitemur, studium incumbendum, quod convellendis istorum erroribus opportunum est Credendis, agendis constat, Theologia Christiana, hæc duo consistere separata diu nequeunt.

IV. Methodus itaque, quam novitiis expleto Tyrocinii anno tenendam suggero (abiit enim ut tribunal erigerem; illam ut Censor proponendo) hæc est. Paucis mensibus justæ ratiocinij, re-

is & regulas addiscant ex Dialectica decerptas, missis tricis & cavillationibus Sophisticis quæ mentem corrumpunt, aut saltem pessimè disponunt. Regulæ istæ viam doceant inquirendæ veritatis, cum sola & unica veritas sit via, quæ ad Cœlum ducit. Elapsis quatuor aut quinque mensibus, in hoc studio triennium illud quod insumere in Philosophiæ studio solent, impendant in lectione Scripturæ Sanctæ, & historiæ Ecclesiasticæ. Optandum summopere esset, ut aliquis cursum historiæ Ecclesiasticæ scholæ usui accommodatum, & in oportunos tractatus vel dissertationes digestum ederet. Præmittenda esset brevis Synopsis historiæ veteris testamenti, paucis sed oportunis disputationibus illustrata, Post perstringendum esse specimen historiæ Christianæ, ut scirent juvenes, qui fuerint heroes nostri, quæ illorum acta & gesta. Aliquæ dissertationes brevissimæ, in quodlibet sæculum adjici possent; Opus illud simile esse deberet cur-

fui Philosophico, cui substituendum in
nuo, & triennio sicut ille, explendum.
His præsijs instructi juvenes, ad sacran
Christianam Theologiam credendis & a
gendis constantem addiscendam accedant
Tum veri Theologi è Scholis discede
rent, hæc in transcurso judicavi sapien
tum judicio subjiciens.

V. Plurima alia de statu Religioso
dicenda forent; sed compendij confinis
transilirem, si ultra pergerem. Hæc itaq;
dicta sufficiant, & in majorem DEI glo
riam cedant, Lectorumq; profectum.

AMEN.

Finis.

n
ra
an
a
nt
le
en

fo
hi
q
o

r

